

सानसेयारि "बड'सा" खरीरालाइयाव समाजयारि जिज्जो लोखा थावाय रायथाय, बन्धाय, अल, अल'बाथा आरो दावबायारि थावनि, पार्क बाइदिनि आयाव लिन्नाय लिन्बिदां दैथाय हर/ सानसेयारि "बड'सा" खरीरालाइया खेबखानाने फोखावगोन।

बड'सायाव लिन्हरनायि हुबा खालाम, "बड'सा" खरी नौथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Friday ★ 27 August, 2021 Kokrajhar, BTC, Assam ★ Vol.- 31, Issue No. 152 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

आसाम बिधान सभानि प्रेस रिपोर्टर्स आफाद दादों

गुवाहाटी, 26 आगस्ट: आसाम बिधान सभानि जोहो ने मखान्थि बादियै गनायथिजानाय आसाम बिधान सभानि प्रेस रिपोर्टर्स कमिटिखो दिदें गोदानै हाबाफारि बादियै दानाय जायो। आसाम बिधान सभानि गोदान एमएलएफोर (5 बिलाइआव)

काबुल उरां गाथोननि बायजोआव लिटासे दै बथलखौ 3000 रांआव फानदों

गुवाहाटी, 26 आगस्ट: तालिबानआ आफगानिस्ताननि राजथावनिखौ गावसिनि दखलाव लानायनि उनाव उरां गाथोनाव आंखालनि थासारि सोमजिखोंदों। थानाय 15 आगस्टनिफ्राय काबुल उरां गाथोनाव आफगानिस्तानखौ नागरसानै खारसो नागिरनाय (5 बिलाइआव)

लक्षिमपुरआव पुलिसनि इनकाउन्टरआव सासे दाकाथि जोखोम

गुवाहाटी, 26 आगस्ट: लक्षिमपुर जिल्लानि बगिनदिआव फिन मोनसे इन्काउन्टरनि जाथाया सोमजियो। खारखुमानो नाजानाय सासे दाकातनि आथिखव गथाम गुलि गावो पुलिसआ। मिथिनो मोन्नाय बादिब्ला बगिनदि (5 बिलाइआव)

दैनि आंखालआव आबाद मावै हा महर लादों गोबां जौ बिघा आबादथिलिफोरा

बाक्सा, 26 आगस्ट: थोजासे मिजिं लानाने आबादजों जिउ ख्रांरा खायसे आबादरिफोरा खोथिया खुबैदोंमोन। नाथाय दैनि आंखालआव खोथियाखौ एबा मायखौ गायनो हायैआव



मोसोफोरनो जाहोनो गोनां जादों फोनाय खोथियाफोरखौ। दै जगायथायनि आंखालआव बेबादिनो गोथेदों आबादरिफोरनि सिमाडा। बे आयदायाव मोसो गुमग्रा फेलाव हा महरै मिथिसारजादों आबादथिलिआ। बेबादि थासारिआ बाक्सा जिल्लानि सिडाव थानाय भारत-भुटान सिमना ओन्सोलनि सुबनकातायाव सोमजिदों।

गुवाहाटीनि पान्डुआव गोदानै जाहाज फाहामफिनग्रा मिरु फसनायनि थाखाय गोरोबथानि सागान होनायाव बाहागो लादों गिबि मन्थि शर्माया

दै लामानि गोहोख्रौ बाहायनायनि गेजेरजों आखामआ जौगाख्रांगोन: गिबि मन्थि

दिसपुर, 26 आगस्ट: गिबि मन्थि उ हिमन्त बिस्व शर्माजों लोगोसे मिरुनि दै लामा, जाहाज आरो जाहाज गाथोन बिफाननि मन्थि सर्बानन्द सनवालआ दिदें गुवाहाटीनि पान्डुआव गोदानै गंसे जाहाज फाहामफिनग्रा मिरु फसनों थाखाय इनलेन्ड वाटर अथ रिटि अफ इन्डिया आरो हुग्लि कचिन सिपयार्ड लिमिटेडनि गेजेरव मेम रेन्डाम अफ आन्डरस्टेन्डि (एमअइउ) नि सागान होनाय हाबाफारिआव बाहागो लादों। गाहाय मन्थि नरेन्द्र मदिनि एक्ट इस्ट पलिसि मावथांखिनि गेजेरजों सा-सान्जा ओन्सोलाव रांखान्थियारि जौगानायनि मोनसे गाहाय राहा



जगायनाने होनायनि थांखिजों पान्डुआव लुफुंजानो गोनां जाहाज फाहामफिनग्रा मिरुखौ फसनायनि गेजेरजों आसामजों

लोगोसे सा-सान्जा ओन्सोलाव दै लामानि फोनांजाव राहाया साबसिन आरो गोखोंसिन जागोनखौ मिजिंथिदों। एमअइउनि गोरोबथा बादियै गोदानै फसनों गोनां बे जाहाज

फाहामफिनग्रा मिरुआव जाहाजनि महर एबा दथाय आरो जाहाज बिथांखिफोरखौ मावफुंनय जागोन। बे मिरुआव टेक्निके ल हेफाजाबखौ (5 बिलाइआव)

बाक्सा जिल्लानि सिडाव थानाय लोखिबाजार 27 बिएन एसएसबिआ साननैनि हाबाफारिजों मावबादा खुंदों



लोखि बाजार, 26 आगस्ट: बाक्सा जिल्लानि सिडाव थानाय लोखिबाजार 27 बिएन एसएसबिआ साननैनि हाबाफारिजों बाक्सानि लोखिबाजारव मोनब्रै बेटेलियन फारियै 27 बिएन, 24 बिएन, 54 बिएन आरो 64 बिएनआ रंडिया सेक्टरनि सिडाव मावबादा

खुंदों। मख'नो गोनांदि, बे मावबादिनि गेजेरजों सासे दायनिगिरिखौ माबोरै हमो, सासे बायदिसिना गाजि हाबा मावग्रा एबा बे भुटान हादरनि सिमनायाव बायदि-मैया गुबुन-गुबुन गारि खारो बेयाव माबोरै नायबिजिरो, माबोरै हमो बेनि (5 बिलाइआव)

सोलोंथाय फसंथानफोरा 1 सेप्टेम्बरनिफ्राय खुलिसिगोन, कभिड भेक्स्न थुजाथारनांगोन

गुवाहाटी, 26 आगस्ट: दिदें आसाम सरकारआ मोनसे केबिनेट जथुम्मा खुंनयनि गेजेरजों राइज्योनि सोलोंथाय फसंथानफोरखौ फेगो 1 सेप्टेम्बरआव बेखेवनाने होनो थाखाय थांखि लादों। बे आयदायाव सोलोंथाय मन्थि रुज पेगुआ केबिनेटआव थांखि लानाय बाथाखौ सुलुडाव फोरमायनाने होयो। राइज्योयारि केबिनेटआव थांखि लानाय बादियै फेगो सेप्टेम्बर दाननि सेथि सप्ताहनिफ्राय गोजौसिन गेजेररि जोबथा बोसोर, आरिसु (5 बिलाइआव)



भवानीपुर, 26 आगस्ट: आसाम सरकारनि बरपेटा जिल्ला उद्यग आरो फालांगि मेलानि बान्जायनायाव आरो भवानीपुर आन्सलिक फरायसालिमानि हेफाजाबआव दिदें भवानीपुर आन्सलिक फरायसालिमानि मेल जथुमसालि नब्लाडाव उद्यग आरो फालांगि सामलाय सांग्रांथियारि बादा खुंफुंनय जायो। मख'नो गोनांदि, बोखावजायै बरपेटा जिल्ला बिथायाव खुंफुंनय उद्यग

भवानीपुर आन्सलिक फरायसालिमायाव जिल्ला थाखोनि सांग्रांथियारि मेल खुंदों

भवानीपुर, 26 आगस्ट: आसाम सरकारनि बरपेटा जिल्ला उद्यग आरो फालांगि मेलानि बान्जायनायाव आरो भवानीपुर आन्सलिक फरायसालिमानि हेफाजाबआव दिदें भवानीपुर आन्सलिक फरायसालिमानि मेल जथुमसालि नब्लाडाव उद्यग आरो फालांगि सामलाय सांग्रांथियारि बादा खुंफुंनय जायो। मख'नो गोनांदि, बोखावजायै बरपेटा जिल्ला बिथायाव खुंफुंनय उद्यग



आरो फालांगि सामलाय सांग्रांथि बादानि मेलारि जिल्लानि गुबुन गुबुन ओन्सोलनिफ्राय खायसे उद्यग आरो फालांगिनि फारसै गोसो जानाय सुबुंफोरा बाहागो

होनाय सांग्रांथि बादानि मेलखौ बेखेवनाने होयो आसाम सरकारनि उद्यग आरो फालांगि बिफाननि लेडाइ सामलायगिरि नब कुमार तालुकदारआ। थि आयदानि सायाव फोरोंथाय होनाय बिबुंथि होयो आसाम सरकारनि उद्यग आरो फालांगि बिफाननि लोगो सामलायगिरि अरुप चक्रबर्तीआ। चक्रबर्तीआ (5 बिलाइआव)

थाद'नाय गैयै अखा हानायजों जिउखां राहायाव जेंना नुजाथिदों



वासुगाव, 26 आगस्ट: थानाय सप्ताह खेबसेनि बांसिनाडै थाद'नाय गैयै अखा हाबाय थानायनि जाहोनाव सरसन्सा जिउ खांनयाव जेंना नुजाथिनायखौ नुनो मोन्दों। सोरगिदि दै आरो दैनि थासारिखौ नुनो मोन्दों। जेराव निखावरि सुबुंफोरनि सानसेनि खामानि (5 बिलाइआव)

मावनाय, थेला-रिक्सा सालायनाने जाग्राफोरनि बाधाल' नडा, मावख'यारि, हाथाइफोरव थालाय-फेलाय खालामनायाव जेंना सोमजिनायखौ नुनो मोन्दों। फारसैथि आबादरिफोर अखानि दैनि आंखालाव खुनुखुमै माय सुबुंफोरनि सानसेनि खामानि (5 बिलाइआव)

गोदानै लुफुंनय कक्राझार आइन फरायसालिमाखौ बेखेवबाय

कक्राझार, 26 आगस्ट: कक्राझारआव गोदानै लुफुंनय कक्राझार आइन फरायसालिमाखौ दिदें बेखेवबाय। बिटिआरनि गाहाय मावफुं सोद्रोमा प्रमद बर'आ कक्राझार नोगोरनि साखाथि कारगावआव गोदानै लुफुंनय कक्राझार आइन फरायसालिमाखौ दिदें बेखेवनाने होयो। बे आइन फ रा य स ा ल ि म ा ख ऌ बेखेवखानायनि उनाव गावनि बिबुंथि लाखिनाय समाव बिटिआरनि गाहाय प्रमद बर'आ फोरमायथियोदि, कक्राझार



आइन फरायसालिमाखौ सरकारि खालामनो थाखाय बिटिसि खुंथाया राइज्यो सरकारजों सावरायगिसिनो दड आरो

फरायसालिमाखौ सरकारि खालामनायनि सायाव सावरायनाया दासिम आवगायनाने दड। बिथाडा

बुंबावोदि, तामुलपुरखौ लाफानाने बिटिआरनि दरबा जिल्लायावबो गंफायै आइन (5 बिलाइआव)

नन्दिता शइकियाखौ बुथारग्रा दायनिगिरिखौ थाबैनो साजा होनो आमसुनि दाबि

बिजनी, 26 आगस्ट: थानाय 22 आगस्टखालि धेमाजी जिल्लायाव सोमजिनाय खासि-बिस्त्रियै सासे फरायसुलिखौ गोबौ हाथियारजों गाग्लोबना जिउ फोजोबनाय जाथायखौ गोखों रावजों सो'खारिदों बिजनी जिल्ला आमसुआ। धेमाजी जिल्लानि मरिधल फरायसालिमानि फरायसा नन्दिता शइकियाखौ साननि समावनो रिन्दु शर्मा मुनि सुबुख (5 बिलाइआव)

सुजुगिरिनि खोलोम फेग्रा मुवानि इयुन गोहोम

सुबु समाजाव सोरबाबा गात्रि जिराद फानना मुलाम्फा खामायदों आरो सोरबाबा गात्रि जिरादखों बासायनानै अबथिरा जिउ गोमानांदों। बे रोखोमनि जाथाया गुबुननि समाजाव जैरे गात्रि रोखोमै गोसारनो लादों जौनि समाजावबो बे रोखोमनि गात्रि जाथाया गोसारगसिनो दं। थैवबो जौनि समाजन दैदेनगिरिफ्रा बिथिं नोजोर होनो जानायखों नुनो मोनाखें।

फेग्रा मुवा एबा ड्रगस जानाय बाइदि गात्रि आरो गिथाव थाव हुदाखों जौनि गोलेफोराबो गोबाना लाना गोबाडनो नागारनो हायै जाना अबथिरा जिउ गोमा नांगसिनो दं। टाउन सहरनिल' बाथा नड, गामि सिंनि गथ' गथायफ्राबो बे गात्रि आखुखों गोबाना लादोंसे। बिसोरनि गेजेराव गोरो गोरा, समाजन मान गोनां सुबुफोरनि नखरेनि गथफोरबो दड-होना खोनानो मोनो। जौनि हादोर सानि एबा बि.टिसि. हालामनि राइजो राजाफोरनि गेजेराव सांग्रांथि गैया। फेग्रा जिराद, जैरे- गान्जा, डेनराइट आथा, जौखों हाथाय बाजारफ्राव गोलेयैनो मोना थाडे होना गथ' गथ' सेंग्राफ्राबो बेफोर मुवाखों बाहायनानै नागारनो हायै जाबाय। जौखोंबो हाथाय बाजारव लांदाडै फान्नाय हुदाखोंबो जौनि समाजनि सुबुफ्रा दासिमबो नागारनो हाया जाबाय। फरायसा गथ'फ्राबो हाथाय बाजारव मोना फान्नाय जौखोंनो लौनो लाबाय, उनाव लौग्रा हुदायाबो बांलांबाय। मुलनि गलाफ्रावबो बायब्लानो मोन्नाय फेग्रा मुलि जैरे करेक्स, दखानाव मोन्नाय डेनराइट आथाखों बायना गथ' गथ'फ्रा बादायनायखों खोनानो मोनसोगारो।

सुबु समाजा गोलेफोरखों बे बाइदि गात्रि हुदानिफ्राय रैखा खालामनायनि माबाफोर राहा लादों ना? नुनाय बाइदियै जौनि समाजाव बे बाइदि गात्रि आखुफोरखों जाहाथे गोले गथसाफ्रा नागारो बनि जेबो राहा लायाखें। जौनि समाजाव गोखों समाजारि आफदा दं होना बुंका एबसुखोंनो बुंनइ जागोन। एबसुवा गोसो जायोब्ला फरायसा गथफोरनि गात्रि आखुखों नागारहोनायनि राहाखों लानो हागौ। एबसुनि अनगायै गुबुन समाजारि आफदा बनि राहाखों गोखोडै लानो हाबाबो जानो हागौ। समाजनि दैदेनगिरि मेलेम गोनां सुबुफ्रा समाजनि गोलेफोरनि गहाम इउननि थाखाय गोथोयै गोनां जाबाय।


दिनेनि फानजायुधि

राशि बाइदियै मुनि गिबि हांखो
मेष : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** मानिबा आन्जादफोर होनांगो दंला उथिसारनो हागोन। गोजोन मोनो हागोन।
- वृष:** देहायाव लोमजानाय सनाय-सुनाय बेरामफोर सिखांबायनो हागौ। सांग्राडै लाखि।
- मिथुन:** माबाफोर आसा खालामनाय दंला जाफुनो हागौ। गोसोखों गोजोन्नाय मोनगोन। मोजां सान।
- कर्कट:** संसार जानायाव सुखुखों मोनदंनो हागोन। फारफ्रोमथिबो जौगानाय फेनो हागौ। मोजां सान।
- सिंह:** मानिबा दायाव गावखों खाजानो गिनाय मोनखानो हागौ। गोसोखों लोरबां खालामनो नाड।
- कन्या:** जेखि जाया थांखिनि समाव लोरबां गोसो लानो नाड। सान्नाया जाफुनो हागौ। मोजां सान।
- तुला:** जेखि मावा फालांगिआव मुलाम्फा खालामनो हागोन। दिनेनि साना मोजां।
- वृश्चिक:** सोरनिबा अन्नायाव मुवा-बेसादफोर मोनो हागौ। गोसोखों गोजोन्नाय मोनगोन।
- धनु:** फालांगि मावनायाव रं खहाफोर जानो हागौ। सांग्राडै मावनांगोन। गात्रि सान।
- मकर:** सोरजौबा सौदाव-सौसि जाफलांबायनो हागौ। सांग्राडै लामा हांथिनांगोन।
- कुम्भ:** मोजां रंग थि जानो हानायनि थाखाय जेयवबो सन्मान मोनो हागोन। फारफ्रोमबो मोजां।
- मीन:** मानिबा थाखाय राडरि खहा जानो हागौ। गोजोन्नाय गैयैजौं समखौ बारहो नांगोन। गोसो हमथा।

कलेजियामनि दैथाय हरनाय सा 9 गाहाय बिजितगिरिफोरखौ गनायथि होबाय

गोदान दिल्ली, 26 आगस्ट : मिरु सरकार सुप्रिम कर्ट कलेजियामनि फार्सेनिफ्राय दैथाय हरनाय गासै सा 9 बिजितगिरिफोरनि थिसन्यायखों गनायथि होनाय। मख 'जाथावदि बिसोर सा 9 बिजितगिरिफोरनि गेजेराव सा 3 आ आइजोफोर, बिसोरनि मुंआ फारियै कर्नाटक हाइकर्टनि बिजितगिरि बिबि नगरबा तेलेंगाना हाइकर्टनि गाहाय बिजितगिरि रिमा कहली आरो गुजरात हाइकर्टनि बिजितगिरि बेला त्रिवेदी। बिसोर सा 3 आइजोफोरनि अनगायै गुबुन हौवा बिजितगिरिफोरनि मुंआ फारियै बिजितगिरि अभय श्रीनिबास अका (कर्नाटक हाइकर्टनि गाहाय बिजितगिरि), बिक्रम नाथ (गुजरात हाइकर्टनि



गाहाय बिजितगिरि), जितेन्द्र कुमार माहेश्वर (सिक्किम हाइकर्टनि गाहाय बिजितगिरि), सिटि रवि कुमार (केरेला हाइकर्टनि बिजितगिरि) आरो एसएम सुन्दरेश (केरेला हाइकर्टनि बिजितगिरि। आथिखालाव सुप्रिम कर्टआ सा 24 बिजितगिरिफोर दड। गोदान सा 9 बिजितगिरिफोरखों थिसन्यायनि उनावबो सुप्रिम कर्टआव मोनसे मासिया

आसाम-मेघालय सिमनाआव फिन दावराव-दावसि जाफिन्दों

डिफु, 26 आगस्ट : मेघालय आरो आसामनि सिमना ओन्सोलनि खाथिआव दरनै राइज्योफोरनि नोगोरारिफोरनि गेजेराव बुलाय लायनाय जादों। बे समाव थासारिखों सामलायनो नाजानायआव मेघालयनि सासे पुलिस बिबानगिरिआ जोखोम जादों। बिबानगिरिआ बुंदों, सानसे सिगांबो सिमनाआव बुलाय लायदोंमोन। बे जाथायआ आसामनि सोनाब कार्बि आलं जिल्लानि उमलाय आव जादों। मेघालयनि रि-भइ जिल्लानि सा 250-300 सुबुफोरनि मोनसे हान्जाआ बै सानै सुबुफोरखों लोगो हमनो थादों, जायफोरनि सायाव आशाम पुलिस मावसुमाफोरा गात्रि आखु दिन्थिदोंमोन। बिसोर सुबुफोरा धर्नाबो होदों। धर्ना होनाय समाव मोनसे बंकरखोंबो ख'ह खालामनाय



जादों। सोनाब कार्बि आलं जिल्लानि सासे पुलिस बिबानगिरिया फोरमायदों गामियाव सौहैनाय समाव जायगानि थागिबिफोरा लामाखों जाम खालामदों आरो मेघालयनि सुबुफोरजों बिसोरो दान्थे-बिदा-न्थे खालामो। रि-भइ जिल्लानि एसपि एन लामारेआ फोरमायदोंदि सुबुफोरनि होंगो-दोंगो जानायखों होखारखानों थाखाय दरनैबो राइज्योनि पुलिस हान्जाआ जाथायसालियाव सौहैयो। बुलाय लायनायआव सासे डिपुटि एसपिआबो जोखोम जायो। लामारेआ बुंदों बिखों खाथिनि देहाफाहामसालिआव लानानै थांनाय जाबाय। आथिखालाव बियो खैफेदनिप्रय बायजोआव दं।

आइ पि एस पंकज कुमारखौ बि एस एफनि गोदान डिजि थिसनबाय



गोदान दिल्ली, 26 आगस्ट: भारतीय पुलिस सिबिथायनि 1988 बेचनि बिबानगिरि पंकज कुमारखौ बुधबाराव बि एस एफनि गोदान डिजि थिसनबाय। मोनसे सरकारि बिथोनाव बेखों मिथिहोदों। पंकज कुमार सिंआ राजस्थान के डारनि बिबानगिरि आरो आथिखालाव सांथि हान्जानि डिजि महरै हाबा मावगासिनो दड। बि एस एफआ पाकिस्तान

सिमाया जोबनायनि उनाव एस एस देसवालआ आथिखालाव बि एस एफ डिजिनि उफ्रा बिबानखों आजावनानै हाबाफारि मावगासिनो। मख 'जाथावदि, पंकज कुमार सिंनि बिफा आरो आजिर मोनखानाय आइ पि एस प्रकाश सिंआ सिगाडव बि एस एफनि डिजि महरैबो बिबान आजावना हाबा मावदोंमोन। बि एस एफआव गासै सा 2.65 लाख जवानफोर दड। सरकार 1988 बेचनि आइपिएस बिबानगिरिफोर फारियै सन्जय आरडू (तामिलनाडु केडार) आरो बालाजी श्रीबास्तव (एजिएमइउटि केडार) खौ आइटिबिपि आरो बिपिआरडिनि गोदान गाहाय बिबानगिरि महरै थिसनबाय।

भारत बायटेकनि चिकनगुनिया टिकानि क्लिनिकेल ट्राइलआ जागायबाय



हाइड्राबाद, 26 आगस्ट: टीका दिहुनग्रा कम्पानि भारत बायटेकनि चिकनगुनिया टिकानि क्लिनिकेल ट्राइलनि थाखाय कस्टरिकायाव गिबियै बाहागो लानायफोरखो बेनि ड्रपखौ थुबाय। आइबीआइआ बेनि सोमोन्दै मिथिहोदों। आइबीआइआ फोरमायदोंदि, बे

लिमिटेडनि सेयारमेन्ट आरो मेनेजिं डायरेक्टर कृष्णा एल्लया बुंदों राइज्योयारि सरसनस्त्रा सावसि जोथोनाव महामारिनि फारसे थियारि जानाया मोनसे गिदिर थांखि लानाय। भारत बायटेकनि टिकाखौ गोथौवै नायबिजिरनायनि उनावसो थियारि खालामनाय जादों। जौ फरायसनायाव बाहागो लानाय कस्टरिकायि गिबि सिबिथाय होगिरिफोरखों साबायखर होयो। बे फोसावथाया इयुननि महामारिफोरजों जुजिनो थाखाय मार्च 2021 आव जागायनाय सीइपीआइनि 3.5 आरव आमेरिका डलारनि यजनाखों सिगां फारसे जौगाहोयो, जेराव चिकनगुनियाजों लोगोसे गुबुन गुबुन बेमारफोरनि थाखाय भेक्सिन जौगाहोनाया दं।

केरेलानि थाखायनो भारतआव करनानि गोदान केसआ बांदों

गोदान दिल्ली, 26 आगस्ट: भारतआव आरोबाव खनसे करना भाइरासनि गोदान केसफोरव गोबां बांनयखों थिसन्दों। केस बांनयनि जाहोनाव गोबां जानो हागौ नाथाय केरेलायाव करनानि गोब्राब थासारिया बेनि मोनसे गाहाय जाहोन जादों। थांनाय सानयाव फुरा हादतआव गासै 37,593 केसआ सोराडाव फैंदोंमोन। आथिखालाव बेवहायनो बृहस्पतिबाराव रिपर्ट फैंनाय केसफोरनि अनजिमाया गासै 46 रोजानि बांसिनाव सौहैदों। गाहाम देहा मावख'नि बायदिब्ला हादतआव थांनाय 24 घन्टयाव करना भाइरासनि गासै 46,164 गोदान केसआ सोराडाव फैंदों आरो गासै 34,156 सुबुफोरा करनानिफ्राय मोजां जादों। भारतआव थांनाय साननि रुजुनायाव बांनय गासै 8,571 केसफोरनि उनाव मोनसेल' गिदिर जाहोनखों नुनो मोन्दों आरो बेनो जादों केरेलानि करना केसफोरव गोदानै बांनय। मख 'नो



गोनांदि थांनाय सानाव केरेलायाव गासै 31,445 गोदान कभिड केसखों थिसन्दों। फारसेथिं गासै 20,271 सुबुफोरनि रिक्बारीखों थिसन्दों आरो बेवहाय आथिखालाव पजिडिभटी रेटआ लान्थियै बांनानै 19.03 जौखोन्दोयाव सौहैदों। हादतआव थांनाय 24 घन्टयाव थांनायफोरनि एसेल' दावखलायनायखों नुनो मोन्दों। बुधबाराव सोराडाव फैंनाय अन्जिमानि बायदिब्ला गासै 648 सुबुफोरा थैदोंमोन।

अबिसिनि क्रिमिलेयारआ 15 लाख आरो आलादा मावख' बानायनांगौ: अपना दोलोनि दाबि

गोदान दिल्ली, 26 आगस्ट: जेडिडिनि उनाव बि जे पिनि हेफाजाबगिरि पार्टी अपना दोलोआ जाति बादियै सुबु सुमिरनि खालामनायनि दाबि दैखदों। अपना दोलोआ बेनि अनगायैबो अबिसि सरैखाथियाव क्रिमिलेयारनि सिमाखों बांहोना बोसोरारि आइखों 15 लाख रंसिम खालामना होनो सरकारनियाव दाबि दैखदों। बेनि अनगायै सरकार आदिबासि आरो एसेल' सुबु अन्जिमानि बिफाननि सायाव बिथा खालामनायै अबिसि फोलेरनि थाखाय मावख' बानायनांगौ होनाबो अपना दोलोआ दाबि दैखदों। क्रिमिलेयारआ अबिसिनि मोनसे केटेगि। बे केटेगिनि गेजेरजों गेजेराव गोगलैनाय सुबुफोरखों अबिसि सरैखाथिनि मुलाम्फानिफ्राय जानगाराव लाखिनाय जायो। थामहिन्बा बिसोर बादि सुबुड सांखि आरो



सोलोंथायाव थि खालामनाय 27 जौखोन्दो सरैखाथिखों मोना। आथिखालनि नेमखांथि बादिब्ला 8 लाख रनि बांसिन बोसोरारि आइ गोनां नख'रफोरखों क्रिमिलेयारनि केटेगियाव लाखिनाय जायो। बिसोर सरैखाथिनि मुलाम्फाखों मोनो हाया। अपना दोलोआ बुंदोंदि, अबिसि फोलेरनि थि सुबु अन्जिमाखों मिथिनो थाखाय फोलेर एबा हारि बादियै सुबु सुमिरनि खालामनाया गोनांथार। मख 'जाथावदि, उत्तर प्रदेशआव अबिसि हारिनि भट होग्राफोरनि सुबु अन्जिमाया मोनसे गिदिर हान्जायाव दड। अपना दोलोआ 2014 निफ्रायनो बि जे पिनि हेफाजाबगिरि जाबोदों। बावैसो सिगाडव गाहाय मन्थ्र मदिआ गावनि केबिनेटआव अपना दोलोनि दैदेनगिरि अनुप्रिया पाटेलखोंबो मन्थ्र बानायदोंमोन। अनुप्रिया पाटेलआ कुर्मी हारिनि आरो कुर्मी हारिया अबिसियाव गोप्लेयो।

गुबै सुबुं सुमारिखौ हरियारि सुबुं सुमारिजों सरजाबनाया जेंना गोनां

गोदान दिल्ली, 26 आगस्ट : जाति सुबुं सुमिरिनखौ लानाने बिजेपि आरो सरकारआ मोजां आखु दिन्थिदोब्लाबो, नाथाय बेनि गहाय सुबुं सुमिरिनखौ खौसे खालामनाया जेंना गोनां। गहाय सुबुं सुमिरिन उनाव जातिनि सुबुं सुमिरिनआ अलादा जानो हागौ। जाहोना जादों गहाय सुबुं सुमिरिनखौ बे खेबाव डिजिटेल महाराव खालामनाय जादों आरो बेवहाय जाति-सुबुं सुमिरिन अन्जिमाखौ बुधुमनो थाखाय गोदोने कडिं खालामनायजों लोकोसेनो सुबुं सुमिरिन मावसुमाफोरनि ट्रेनिंखौबो होनांगोन, जेराव करानि जाहोनाव गहाय सुबुं सुमिरिनआ गिबिआवनो से खावसे बोसोर गोबाव जाखांबाय। भारतआव सुबुं सुमिरिन खालाम होरा रजिस्ट्रार जेनेरेल अफ इन्डियानि सासे गागि बिबानगिरिआ बुंदों, बोसोफ्रामबो 10 बोसोर नि उनाव सान्नाय सुबुं सुमिरिनखौ 2021 आव मावफुनो फुरायै थियारि खालामनाय जादोंमोन। सुबुं सुमिरिन गिबि खौलोबआव 2020 नि एप्रिलनिप्रय सेप्टेम्बरनि गेजेराव हादतनाडे न'फोर आरो जिव जुनारखौ सान नांगोमोन। नैथि खौलोबआव फेब्रुवारीआव सुबुं

अन्जिमाखौ बुधुमनायनि यजना बानायदोमोन। बेनि थाखायनो लाख लाख सुबुं सुमिरिन मावसुमाफोरनि ट्रेनिंनि हाबाफारिखौबो फुरा खालामनाय जादोंमोन। सुबुं सुमिरिन अन्जिमाखौ डिजिटेल महाराव बुधुमनो थाखाय माखासे बोसोर नाजानायनि उनाव प्लेटफर्मखौ थियारि खालामनाय जादोंमोन, जाय अनलाइन आरो अफलाइन मोनैबो थासारिफोरव खामानि मावनो हायो। नाथाय मार्चआव करना इनफेक्सनआ जागाय जेन्नायनि जाहोनाव सुबुं सुमिरिननि हाबाफारि मावनायआ फुरा जायाखे। बियो बुंदों करना इनफेक्सनआ जोबनाय आरो देहा मावख'निफ्राय गनायथि

मोननायनि उनाव जायखि जाया समावनो सुबुं सुमिरिननि हाबाफारिखौ जागाय जेन्ना हागोन। जाति सुबुं सुमिरिन अन्जिमाखौ बुधुमनो थाखाय गहाय सुबुं सुमिरिनजों लोकोसे गोदान कलम एबा बाहागोखौ सरजाब नांगोन। बेनि थाखाय डिजिटेल प्लेटफर्मनि फुरा कडिंआव सोलाय सोल' खालाम नांगोन। बेजों लोकोसेनो सुबुं सुमिरिन मावसुमाफोरनो गोदानयै ट्रेनिं होनानै बे बाथाखौ फोरमायनांगोनदि जाति सुबुं सुमिरिन समाव मा रोखोमै अन्जिमाखौ बुधुम नांगोन आरो बे अन्जिमाखौ डिजिटेल प्लेटफर्मआव माबोरै सुफुं नांगोन। अन्जिमा बुधुमनाय आरो

डिजिटेल प्लेटफर्मआव अन्जिमाखौ सुफुंनायआ गोरोस्थि जायोब्ला फुरा नाजानायआव फेलें जानो हागौ। बियो बुंदों, 135 कौटि सुबुंफोर थानाय हादतआव सुबुं सुमिरिन खालामनाया मोनसे गोथौ हाबाफारि आरो बेनि थाखाय सुबुं सुमिरिन मावसुमाफोरनो ट्रेनिं होनायावनो 1 बोसोरनिफ्राय बांसिन सम नांनो हागौ। मख'नो गोनांदि, जाति सुबुं सुमिरिननि थाखाय गहाय सुबुं सुमिरिनखौ इयुननि थाखाय गोबाव खालामनायआ जानो हाथावआ। बिनि बादिब्ला, जुदि सरकारआ जाति सुबुं सुमिरिननि थिंखि लायोब्ला रजिस्ट्रार जेनेरेलअफ इन्डिया बेखौ गोदानयै खालामनो थाखाय थियारि जादों।

पेरामिलिटारि सान्थि हान्जाफोरव सा 1,00,000 जवानफोर थिसन्नायनि गोनांथि दड

गोदान दिल्ली, 26 आगस्ट : पेरामिलिटारि सान्थि हान्जायाव उफ्रा बेटेलियान आरो गहाय मावख' (हेड क्वार्टर) बायदि दाबि दैखानायखौ नोजोर होनानै सा से लाख जवानफोरखौ थिसन्ना नोगिरदों। गासैबो रैखाथि हान्जाफोरव उफ्रा मावथि सोद्रोमाफोरनि गोनांथि जाना दड। नाथाय विथांखिनि बादिब्ला गोदान थिसन्नाय जायैनि जाहोनाव लांदां मासिफोरा बांसिन जाबो गासिनो। पेरामिलिटारि हान्जाफोरनि जौगाखानायजों लोब्ला गोनां फसंथाना बे आयदाखौ लानानै सरकारनि सायाव नारसिन्दों। बयनिखुडबो बांसिनै बिएसएफनि 29 रोजा मासिफोरा लांदां जाना दड। सिआरपिएफ आरो

सिआइएसएफआवबो गोबां अन्जिमानि मासिफोरा लांदां जाना दड। बे अन्जिमाया 26 रोजानि साखाथियाव जागोन। एसएसबि आरो आइटिबिआबो गोदान बेटेलियानि बिथांखि दैथाय हरदों सरकारनो। बिसोर सान्थि हान्जाफोरवबो गोबां अन्जिमानि जवानफोरखौ थिसन्नायनि गोनांथि दड। मख'जाथावदि, संसदआव दिन्थिनाय एबा फोरमायनाय फिन होनायनि मान दान्दानि बादिब्ला, एस एसबियाव सा 18,643 आइटिबिपियाव

5,784 आरो आसाम राइफलसआव 7,328 मासिफोरा लांदां जाना दड। फासैथि गोदान बेटेलियान, बिअपिनि गोनांथि जानाय बादिब्ला बेफोर अन्जिमाया गोबां बांसिन। कन्फेडरेसन अफ एक्स पेरामिलिटारि वेलफेथार एससिएशननि गहाय नेहाथारि रणबीर सिआ बुंदोंदि, जवानफोरनि मासिफोरनि गेजेराव मिरु पेरामिलिटारि हान्जाफोरव से लाखनि बांसिन लांदां मासिफोर दड। गोजाम थिसन्नाय हाबाफारिनि गेजेरजों 55 रोजा मेडिके ल फिट

गासिआ लांदां जाना। गोदाने सान्थि थिसन्नाय गोबाव जानायनि अनगायै बिआरएस आरो रिटायरमेन्ट एबा आजिरा जालानायफोरनि जाहोनावबो लांदां मासिफोरनि अन्जिमा बांसिन जादों। कन्फेडरेसनआ दाबि दैखानैदि, 2011-12 नि गेजेराव गासै सा 81 रोजा जवानफोरा बिआरएस लांदां, फासैथि सा 16रोजाया साखिखौ नागासनाय लाइजाम (रिजाइनेसन लेटर) होदों। नेमखान्थि बादियै सम बादियै आजिर मोननायनि जाहोनावबो लांदां मासिफोरनि अन्जिमाया बांदों।

गोदान इन नेमखान्थिजों गोनाखोयारि बिथिडव भारतआ गोबां मुलाम्फा मोनगोन : गहाय मन्थि

गोदान दिल्ली, 26 आगस्ट : गहाय मन्थि नरेन्द्र मदिआ सरकारनि गोदान इन नेमखान्थिखौ गोनांथार होन्ना फोरमायदों। मदिआ टुडटआव बुंदोंदि, बेयो बे सेक्टरनि थाखाय लेन्डमार्क भुमेन्ट आरो फोथायनायनि सायाव बिथा

खालामनाय। सरकार बेनि सोमोन्दोआव थानाय बेनि गनायथि आरो बेनि गोनांथिखौ लानानै नुजाथिनाय जेंनाफोरखौ गोबां खम खालामदों। गहाय मन्थिनुनाय बादिब्ला, गोदान इन नेमखान्थिजों स्टार्ट टपआ थुलुंगा मोनगोन आरो



लाइमोनफोरा बे बिथिआव खामानि मोनगोन। बेनि अनगायै बेयो बे बिथिआव गोदान जाथावनाफोरखौबो दिहुन्नायाव मोजां फोरमान जागोन। लोकोसेनो रिसार्च आरो फालांगियावबो बेजों मदत मोनगोन। बे नेमखान्थिया रिसार्चनि बिथिआव मोजाडै खामानि मावगोन आरो भारतनि बानायनायखौ इन हाव बानायगोन। मख'जाथावदि, सरकार गावनि गोदान इननि

नेमखान्थियाव माखासे मख'जाथाव सोलायनाय लाबोदों। बेखौ लानानै जानो गोनां सुबुंफोरनि जेंनाफोरखौ जानगर खालामनो थाखाय बेखौ सोलायनाय जादों। सरकार बुंदोंदि, बेनेमखान्थिफोर खालि टैकनिकनि बिथिआव'ल' नड, आबाद खनि बायदि बिथिफोरवबो मदत मोनगोन। बेनि मदतजों हादतखौ 2030 सिमाव इन हाव महरैथियारि खालामनायानो सरकारनि थिंखि।

गोदान दिल्ली, 26 आगस्ट : फासैथि जौगाखानाय हादतफोरव करना होबथाया भेक्सिनन सरासन्ना एबा नेमखान्थि बादियै होनांगौ ड्रपखौ होखानायनि उनाव नैथि ड्रपबो होनो जागायबाय, गुबुन फासैथि मुलुगनि दर थाम औरैबायदि हादतफोरबो दड, जेराव दासिमबो भेक्सिन थुनाय हाबाफारिया जागायाखे। बेफोर हादतआ जादों, सा करिया, बुरुन्डी आरो इरिट्रिया। मख'जाथावदि चीननि लोको हादत जासेयावबो सा करियाआव दासिमबो करना भेक्सिनखौ थुवाखे। मुलुग नाडे हादतफोरव गासै करना भेक्सिननि 5 आरब ड्रप थुखानाय जाबाय। बेनि 40 जौखोन्दो (1.94 आरब) ड्रपखो चीनआ थुदों। भारतआव 58.9 कौटि आरो आमेरिकाया 36.3 कौटि करना भेक्सिननि ड्रप थुखानाय। चीन, भारत आरो आमेरिकाया नो मुलुगनि हादतफोरनिखुड बांसिन करना भेक्सिननि ड्रप थुखानाय। गासै 10 लाखनि बांसिन सुबुं अन्जिमा थानाय हादतफोरव इएइआ सिगांसिनाव जेराव



मोनफ्रोम 100 अन्जिमाया 179 ड्रपफोरखौ थुखानाय। बेयाव गासै सुबुं अन्जिमानि 75 जौखोन्दोखौ फुरायैनो भेक्सिन थुखानाय। मख'नो गोनांदि, निखावनि हादतफोरबो गहायै भेक्सिन यजनाखौ जागायनायनि उनाव भेक्सिन थुनाय हाबाफारिखौ जागायबाय, नाथाय बिसोरनि भेक्सिन थुनाया जौगाखों हादतफोरनिखुड गोबां खमसिन। वार्ल्ड बैंकनि बादियै गोजौ थाखोनि आय गोनां हादतफोरा गावबा गाव हादतआव सा 100 सुबुं अन्जिमाया भेक्सिननि 111 ड्रप हादोब्ला, खम आय गोनां हादतफोरव सा 100 सुबुं अन्जिमायाव खालि भेक्सिननि 2.4 ड्रपखौल' थुदों। बेफोर निखावनि हादतफोरा भेक्सिन

थुनाय हाबाफारिखौ धोनि हादतफोरा भेक्सिन दान हरनायनि उनावसो जागायनो हादों। उफ्रा साहाय आफ्रिकानि बयनिखुडबो बांसिन सुबुं अन्जिमा गोनां हादत कंग सुबुतन्त्र राइज्योआव मोनफ्रोम सा 100 सुबुं अन्जिमायाव 0.1 ड्रप, तन्जानियाआव 0.4 ड्रप, नाइजिरियाआव 1.9 ड्रप आरो इथियोपियाआव 1.2 ड्रपल' थुनो हादों। बेफोरो मुलुगनि बयनिखुडबो बांसिन भेक्सिन थुनाय हादतफोरनि गेजेराव थानाय हादतफोर। मुलुगनां थाखोआव जेराव सा 100 सुबुं अन्जिमायाव 64 ड्रप थुखानाय, फासैथि आफ्रिका हादतमायाव सा 100 आव खालि 6.4 ड्रपखौल' थुनोहादों, जाय मुलुगनि गासै जौखोन्दोनि जिथिल' बाहागो।

जेंनानि समावबो भारतआ लोकोनि हाबाखौ मावदों, 24 भारतीयफोरजों लोकोसे 11 नेपालिफोरखौबो काबुलनिफ्राय लाबोदों

गोदान दिल्ली, 26 आगस्ट : आफगानिस्तानआव तालिबाननि दखलनि उननिफ्राय भारतजों लोकोसे



माखासे हादतफोरनि नोगोरारिफोरा काबुलखौ नागरनो हास्थायदों। भारतआवो गावनि नोगोरारिफोरखौ बेनिफ्राय दिहुन्नो थाखाय अपरेसन देबो शक्तिखौ सालायदों। आथिखालाव भारतआ बे जेंनानि थासारियावबो गावनि अनगायै गुबुन हादतफोरनि नोगोरारिफोरखौ दिहुन्नायावबो मदत खालामदों। मैयाआवबो भारतीय अख्रामा सान्थि हान्जानि

गंसे उरां जाहाजआव 24 भारतीय आरो 11 नेपालीनि नोगोरारिफोरखौ लानानै काबुलनिफ्राय दिल्लीनि थाखाय ओंखारबो खांबाय। गुबुन हादतनि मावख'नि बुंथिगिरि अनिन्दम बागचीआ टुडट खालामनायै बेनि खौरखौ होदों। थानाय सप्ताहायावसो काबुलनिफ्राय नोगोरारिफोरखौ हादतआव लाबोफिन्नायनि अभियानखौ अपारेसन देबो शक्ति मुं होदोंमोन। माखासे

रिपर्टनि बायदिब्ला अभियाननि मुंखौ देबो शक्ति होन्नानै बेनिखायनो सायख'नाय जादों मानोना बेयो गथ'फोर आरो दाय गैथै सुबुंफोरखौ हिंसानिफ्राय रैखाथि होनायनि मोनसे नाजानाय। बेयो बै बायदि जादों जेरै बिमा दुगाया राइखसफोरनिफ्राय दाय गैथै सुबुंफोरखौ रैखाथि होयो। बेबहाय बेखौबो नोजोर होनो होयोदि पीएम नेन्द्र मदिआ देबो शक्तिनि भक्त आरो बियो दुगां

फुजानि सानआव उपबास थयो। बेनि सिगां गुबुन हादतनि मावख'आ आफगानिस्तानआव थानाय गासिबो भारतीयफोरनि याव आरज गाबदोंमोनदि, जुदि बिसोरो दावहाजों भुगिनांनय हादतआव मानिबा मदतनि गोनांथि जायोब्ला बिसोरनो थाबेनो स्पेसेल आफगानिस्तान सेलजों सोमोन्दै लाखिनो हागोन। दासिमाव काबुलनिफ्राय गासै 626 सुबुंफोरखौ भारत आव लाबोनाय जाखांबाय। जेराव भारतीय नोगोरारिफोरखौ लोकोसेनो आफगानिस्तान आरो नेपालिफोरबो दफन्देरो। मिरनि मन्थि हरदीप सिं पुरीआ मंगलबाराव फोरमायदोंदि दासिमाव गासै 626 सुबुंफोरखौ काबुलनिफ्राय लाबोनाय जाबाय जायनि गेजेराव गासै 228 भारतीय नोगोरारिफोर दडआरो गासै 77 आ आफगानि शिखफोर।

असम लोकसेवा आयोग
ASSAM PUBLIC SERVICE COMMISSION
 Jawaharnagar, Khanapara, Guwahati-22.

No. IPSC/E-03/2020-21 (Pt-VIII)

NOTIFICATION

In continuation with this office notification no. 110PSC/E-03/2020Q-21 dated 10th August/2021, it is notified that those PWB candidates who have not yet applied for the scribe as mentioned at the time of online application, are once again requested to apply for scribe as per proforma at appendix -1 for appearing in the C.C.(P) Examination, 2020 latest by 31st August 2021 during the office hours.

This may be treated as URGENT. No more time shall be allowed beyond the specified extended time.

The candidate may intimate the Commission through e-mail from their personal e-mailids at cceapsc@gmail.com.

Sd/-
 Secretary,
 Assam Public Service Commission,
 Jawaharnagar, Khanapara, Guwahati-22.

Certificate regarding physical limitation in on examinee to write

This is to certify that, I have examined Mr./Ms./Mrs.....(Name of the candidate with benchmark disability), a person with.....(nature and percentage of disability as mentioned in the certificate of disability), S/o/D/o....., a resident of (Village/Town/City)..... (District), (State), Pin Code..... and to state that he/she has physical limitation which hampers his/her writing capabilities owing to his/her disability.

(Signature)
 Chief Medical Officer/Civil Surgeon/
 Medical Superintendent of a Government Health Care Institution.

Note: Certificate should be given by a specialist of the relevant stream/disability (eg. Visua Impairment - Ophthalmologist, Locomotor disability - Orthopaedic specialist/PMR).

Janasanyog /D/4766/21

No. BDB/14th FC (General)/2020-21/1 Dated Borobazar, the 26th Aug, 2021

SHORT NOTICE INVITING TENDER (SNIT)
Tender No. 13 of 2021-22

The office of the Block Dev. Officer, Borobazar T. Dev. Block, Chirang invite bid for the works under 14th FC for the year 2018-19 during 2019-20 in Bid system (F 2 Form) affixing a non-refundable court fee stamp of Rs. 8.25 (Rupees eight & paise twenty-five) only from the registered contractors of Class-I (A, B & C) and Class-II category of Assam PWD (Road & Building) as details below.

Sl. No	Name of the work	Tender Value (in Rs.)	Earnest Money/Bid Security	Cost of Bid	Period of completion
1.	Const. of open stage and green room at Barlawgaon	2811765.00	1% for reserved category 1% for reserved category	900.00	6 months
2.	Const. of Medical Sub-Centre at Barlawgaon	3960393.00		1200.00	6 months
3.	Const. of boundary wall and staffs quarter at Barlawgaon Medical Sub-Centre	4851485.00		1500.00	6 months
4.	Const. of community hall at Barlawgaon.	4851483.00		1500.00	6 months
5.	Const. of market shed at Barlawgaon	3465345.00		1100.00	6 months
6.	Const. of Beshorgaon village road including 3 M. and 5 M. slab culvert	3060394.00		1200.00	6 months
7.	Const. of boundary wall at Barlawgaon LP school	2475248.00		800.00	6 months

Detail NIT may be seen in all working days during office hours in the office of the undersigned. In case the office remain close on tender issuing/receiving/opening date the same will be issued/received/opened on the next working day.

- Bank Draft/Fixed Deposit certificate of Earnest money/Bid security should prepare in favour of BDO, Borobazar T.D. Block.
- Bank draft on cost of tender form/Cost of bid should prepare in favour of Principal Secretary, BTC, Payable at BSI, Kokrajhar.
- Date of issue of Bid Document: 31/08/2021
- Last date of issue and submission of Bid Document: 8/09/2021 up to 1.30 PM
- Date of opening of Bid: 8/09/2021 at 2.30 PM

Sd/- Block Dev. Officer
 Borobazar T.D. Block

IPR/BTC-213/2021

गथ'फोरनि सल'

मुसि अनिल कुमार ब्रह्म

सासे बोराइहा साथाम फिसाज्ला दंमोन।

साथामबो सेंग्रा देरजोबबाय। नाथाय देरनानेबो बिसोर साथामजो सानफ्रामबो गावजो गाव नांज्लाइबाय थानाय मोन। फिसाफोरनि बेबादि आखुआव बोराइहा जोबोर दुखु मोननायसै आरो सानसे खालि साथामबो फिसाखौ खाथियाव लिंहरनानै बुंनायसै, “आंनि आंगोनि फिसाफोर। आं बोराइबाय। आं थाबैनो थैसिगोन। नाथाय दुखुयै राइनो गोनां जायोदि नोंसोर जेब्लाबो नांज्लाइनोखौ नागारा।”

अब्ला गिबि फिसाज्लाआ बुंनायसै, “आंनि

सासे बोराइ आरो साथाम फिसाज्ला

मोजां बेसादफोरखौ बिसोर मानो ज'र जुलुमै लानाने थाडे ?”

नैथि फिसाज्लाआ बुंनायसै, “आंनि बिदा आरो फंबायआ मानो आंखौ जेब्लाबो नाइहाबो ?”

थामथि फिसाज्लाआ बुंनायसै, “नडा, आंनि सानै बिदाआ आं जेब्ला हारसिडै लामायाव बेरायनो थाडे, अब्ला आंखौ बुबाय थायो।” बिफाआ रागा जोखं नायसै आरो बुंनायसै, “खुगा मुथु जाम्बाफोर। दानिया बुं-नोंसोर आंनि आखायाव मा नुदों ?”

गिबि फिसाज्ला, “माखासे लावथि, नों बेफोरखौ बजा खागासिनो दं।” बिफाया बुंनायसै, “नंगौ, आं बजा खागासिनो दं। दानिया नोंसोरनि सासेआ बे बजाखौ लादों।” अब्ला दुइसिन फिसाज्लाआ मोनसे बजाखौ आखायाव लानायसै। बिफाआ बिखौ जायगायाव गसडैनो थानो थिन्नायसै आरो बजानि लावथिफोरखौ सिफाइनो थिननायसै। बियो बोले होथाब होथाब नाजाब्लाबो बजाखौ सिफाइनो हायाखिसै। गिबि फिसाज्लाआबो नाजानानै फेलें जानायसै। दानिया दुइसिन फिसाज्लाआ सिफाइनो नाजायाब्लानो सिगां सिगां बुंनायसै, “बेखौ रावबो सिफाइनो हानाय नडा।”

दानिया बिफाआ बजाखौ खेफुनानै आखायाव गंसे लावथि लाना सोंनायसै, “दा बे लावथिखौ सोरबा सिफाइनो हागोनना ?” गिबि फिसाज्लाआ लावथिखौ गोरलैयैनो सिफाइनायसै। नैथि फिसाज्लाआबो बेबादिनो सिफाइनानै बुंनायसै. “आं हारसिडैनो बेफोर लावथिफोरखौ गंफा गंफा सिफाइ जोबनो हागौ।” अब्ला बिफाआ फिसाफोरखौ बुजाइनायसै, “खोनासं फिसाफोर। नोंसोर जुदि खौसेयै थायो, अब्ला नोंसोरनि गोहोआ बोकदाद। नाथाय जुदि हारसिडै थानो सानो, अब्ला गंसे लावथिबादि नोंसोर गोल्लैयैनो सिफाइ जागोन।”

बिफानि बे रावआव साथाम फिसाज्लाआ खर' गंग्लाइनायसै आरो बुंनायसै, “नंगौ आफा, जो दासो बुजिनो हाबाय। खौसेयानो गोहो। बेनिखायनो दिनैनिफ्राय जो एखुथायै थानाय नंला। जो जेब्लाबो खौसेयै थागोन।”

बोसोन :- दानागार दानागार गावनि दोलो, खौसेयानो गुबै गोहो।

इशोर

इशोर आं नोंखौ
खुलुमो सिबियो अराय सम
अराय दिन गले गले।
आरज गाबो आं
सम सम नोंखौ गोसोखां
गोसोखां फुं मोना।
हास्थायो आं नोंखौ
मोन्नो अराय खाथियाव।
लुबैयो आं नोंनि
अन्नाय आरो अनसायनाय
अरायबो नोंनिफ्राय।
अनसायहरदो गसाय
नोंनि थायनै मेगनजों
आंखौ नायहरनानै।
लानो होदो गसाय
नोंनि खाथियाव आंनो
गोजोन देरा।

मुसि अभिनास बसुमतारि
सामथाइबारी।

जिउनि दिडा

आंनि खर'सायाव थानाय हरै मारुआव, थाडे आं गोजोन लानो जिउनि मेंरोम बेलारोम बुब्लियाव, हिमालयनि बै गोजोन सुडेम रंजाथिलिआव; मेंनाय जिउनि डिडाखौ गोजोनग्लाइ होनो-थोर-थोर बोथोर जिउ डिडाखौ खाफ्रानो। हिमालय हाजोनि हरै मारुआव गिखंथाव महरै, दड नेनानै आंनि लरहाइनाय जिउ डिडाखौ लोगो हमनो बरफनि आइलि जाइलि गुथाला। हुम हुम बारनि गुताला सोगोमदों हासिखाव हासिखाव, हिमालय हाजोनि बै गोजोन सुडेम रंजाथिलियाव; आंनि मेंरोम जिउ डिडाखौ लांफानो लोगोआव। अन्थाइ बिखा-बार आरो बरफ बेफोरखौ नोंसोर मानो ? ? ? आंनि रंग'लाहां जिउ डिडाखौ खोमसि बुब्लिआव! हनै हिमालयनि गोजौ हाजो थिखिनिया, गोलैनोसै आंनि जिउ डिडाखौ लारोमसालिआव; बरफ आरो बारनि गोरा गुथालनि दोहौजों। हिमालयनि गोरा गोरा लहानि खुथियाव, गुबुबाय रंखिनि बरफ आरो बारनि हिंसायाव, हिमालय सानि गोजोन स'नानि जिआइसालिया; गैइला बिसोरनि दुथां आखुनि थाखाय मुलुग संसाराव। आगोमा आंनि मेंरोम जिउ डिडाखौ जोबथा बुब्लिआ थाबाय बेसेबा गेदेर हिमालय हाजोनि सिडव जिउ सोलेर।

मुसि लक्ष्मि नार्जरी

ला:सो: - नेहरु बाजार, जिल्ला - चिरां।

महकुमा - बिजनी

सिनायै अनजालि

हाय अनजालि! जाखो नों बबेनि ? मिथियाखिसै आं नोंनि थं थेवबो नोंनि फंसे रायदावलांनाय रावआ आंखौ सिमब्रेलाडे। नोंनि समायना गलाब राणी महरा आंखौ खालामबाय हालाय-हाफाय, नोंनि हायनारि गावदां महरा गेलैफैबाय खनले-खनले गोबों दरखंआव। आनदाय होबाय नों आंखौ बारसेल' गलाब बिबारनि बागानाव, नोंनि समायना महरनि हायना सारफावनायाव। खारफा नांबाय नोंजों उन-उन थेवबो मोनाखिसै आं नोंनि थं, गोबोंआवल' गालांबाय नोंनि समायना गलाब राणी महरा।

मुसि सन्तस रामचियारी।

गामि - खारुवा (बिलपार)

ला:सो: - खारुवा, 781346

जिला - बागसा

गोसो थोनाय

आय' हाबाब गोसो थोनाय।
मा एसेबां गोदे मा एसेबां मुजिथाव
मा जिआद बेलाइ ?
बेनो नामा गोसो थोनाया ?
बेनो नामा मायानि जेआ ?
सोर अबंलावरिया जोनोम होया ?
बे अन्नाय मोजां मोन्नाइ आरो गोसो थोनायखौ
सानथारा खैमोनदि आं -
गोसो थोनाया बेबाइदि
सानसे रजेखौ नुयाब्ला।
सानसे रजेखौ लोगो हमनो मोनाब्ला
सानसे रजेजों मोजां गात्रि
बाश्रा राइज्जालयनो मोनाब्ला।
गोबों -गोसोआ गोजोन गैथारा।
आरोबाव गोजोन गैबावया
रजेखौ नुनानै आरो रजेजों राइज्जालनानै,
लुबैलिया थानानै थानो रजे गैयाब्ला।
नांबावगौ बेनिफ्राइ..... बाइदि बाइदि.
गुबुनजों दाजाथों मोजां मोन्नाया आंनि
रावनोबो दा बिलाइ हरथों आंनि रजेखौ,
अबंलावरिनाव आर'ज गाबो आं।
अबंलावरिनाव बोर बियो आं।
मोजां मोन्नाइया आंनि फेलें थांड जाहाते
बे जोनोमाव नों रजेखौनो आं मोनथारथों
नों र'जेखौनो मोनथारथों
आय' हाबाब गोसो थोनाय।

मुसि थमास बसुमतारि
गामि - कसुगाव

रंजालि गथ'फोरनि सौरा

अनजिमानि लाइजाम

हरदोंमोन आं,
अनजिमानो लाइजाम
आंनि जिउनि होना।
सानो आं अनजिमाखौ
आंनि जिउनि अनजालि
हो न ना नै।
आं नाथाय, अनजिमानो
हरनाय लाइजामखौ,
रावबो नुवा
रावबो खोनानो
मोना बे आंनि
अनजिमानो हरनाय
लाइजामाखौ। आं
सानो आंनि गोसोयाव
बे दान्दिसे संसाराव
अनजिमानि अनगायै
रावखौबो लानो
हानाय नडा।
गोसो गोबोंजों मोजां
मोननायखौ आं बोंरै
नागारनो हानो।
जिउआ जोबलाडे आं
अनजिमाखौ बावनो
हाथारनाय नडा।
बेनो आंनि अनजिमानि
लाइजाम।

मुसि अजय कुमार बसुमतारि

ला:सो:- सिम्बरगाव

जिल्ला-कक्राझार, बि टि आर

गुमुर गैयै भ्रमण

एस आइ आर बसुमतारि

मासे फिसा इनजर इंगिनि
गुदु नागारनानै हाग्रा-बंग्रा
हा सिडवनि हानजा दैदेनानै
दाब-दाब गिदि-गिदिं
बेयाव दसे, बैयाव आयदासे
एखनब्ला खिफिदेरनाय, एखनब्ला एरफुनाय
बुहुमखौ बागदाव खांहोदों।
राजखांथिनि फनैसो मन्थजों
साधु बैरागिनि गिरुया जि जोख्लोवनानै
गोदानै दाफिननाय जीउ राहाया दान्दिसे
बुहुमाव फेरलेबसे रंजानाय लाबोदों।
नाथाय सियाला गोथां महर लाब्लाबो
बियो सियालानोखा;
दावखाया दावराइनि गां
धुदेरब्लाबो गुबै दावखायानो खा।
बैरागीनि गाब गाब्लाबो
आखुथाया इनजर इंगिनिनि;
बिनि देखोफोराबो
गलिनो रोडे गोरा अन्थायनि बिदे।
दा बे इनजर इंगिनिया
भ्रमणनि थाखाय थांबाय
स'नानि सिंहासनखौ नागारनानै
गावखौ गुबै सन्यासी दिन्थिनो
नाथाय बबे दिकनि भ्रमण
रावबो गुमुर मोनाखै।

गोदान जिउ

मुसि बिरगोदाउ

नोंनि उन्नाय मोननानै
आंनि जिउनि गोरान बिलाया
लाफिनबाय दिने गोरान बिलाया गोथां गाब।
नों नडा मोनब्ला
आंनि जिउनि गोरान बिलाया
बिरफालांगोमोन जाउलिया बारजों लोगोसे।
बेसेन गोयै बायदियै
आला दिडयै बुहुमनि दाब दाब जायगायाव ?
आरो अब्लादि माबोंरै बबेयाव गोमालांगोमोन
आं गावनो सानसनो हायाखैमोन।
नोंनि अननाय मोना मोनब्ला आंनि जिउनि गोदान
बिलाया गोरानैनो थानोसैमोन
नों फैयामोनब्ला बुहुमनि बबेबा दाबसे जायगायाव
सिरियै गोमा लांसिगोमोन
हाजासे साबायखर बावबाय रजे गोसो गोबों
बुंसारजासे नोंखौ आंनि जिउनि गोदान लामाखौ
साजायनानै होफिनायनि थाखाय।

सिमांनि सैनाय

अ' आंनि सिमांनि सैनाय,
मैआसो बारहानाय।
दिनैनो मेगन खेबजानाय,
गाबोननो जुलि लाजानाय।
नोंनि महरआनो बिदिन्थि,
सानाखैमोन आं बिब्दि।
सानदोंमोन आं नोंखौ,
सिमांसो सैनाय,
फोजा लांबाइसो नोंनि खानायबिलाय,
मादि महर सारफावनाय स'ना नोंखौ,
नोंनि बर' बिमाआलाय।
मानोथो गोजावखो आंलाय,
मानोथो गलि नांखो आंनि गोसोआलाय,
नोंखौ नुनानैलाय,
अ' सिमांनि सैनायलाय,
सिमांनि सैनायाबो जामारो मोगथांनि राणी
दंमारोसै बर' बिमानि जोलै हाजो
हायेन बर'नि बिबारि
बिनि खायनो बर' हारिनि गेजेराव
बिरबोयो बायदिसिना गाबनि सिखिरि।

मुसि किंकं राजा नार्जरी

ला:सो: - स'नापुर। जिला - चिरां।

रजे नों आंनि

रजे नोंखौ नुनानैनो आंनि गोसोआ बोदोर जाबाय,
नोंखौ दसे नुवाब्लानो आंनि गोसोआ
उसाव बादाव जाखाडे।
खेबसे नुनायावनो आं नोंखौ
गोसो गोरबोजों मोजां मोनबाय।
आदा आं नोंखौ जेब्लाबो
आंनि खाथियाव थाबाय
थाजानो लुबैयो।
नोंनि अनगा आंहा सिगाडव
रावबो जिउनि असे लोगो गैयामोन,
रजे आं नोंखौनो जेब्लाबो
जिउनि मोदाय खालामनानै लानो हास्तायो।

थरायना पुजा बड'सा

ला:सो: - दैपालु नोगोर (बिजनी) जिला - चिरां

जोनि आंगो गामि

फैलाव हायेन हाजोनि सेरफां
ग्रोम ग्रोम थुरिनि न'।
फैलाव फोथार अरननि सेर
सोमखोर आबादथिलि।
दुगैग्रा गाथोन जिदि दैसानि रगु
लाइमोन गोबोंनि बैख'नथिलि।
बेसे हायना सोमखोर मिथिगा
बेनो जोनि आंगो गामि।

मुसि दैथुन गयारी

गामि - गोदान बरगाव, ला:सो: बेतबारी

जिला - बागसा

सिरि-सिरि

सिरि-सिरि मोथो-मोथो
मोजां मोनबाय आंनों अनजालिखौ।
नाथाय नों मानो अनजालिया मानो बुजिया ?
लाइजाम हरनो सानो - नाथाय गोसोआं
माबा साननानै थाफिननो अनजालि।
पोरमायनो सानो-गोसोआ फोरमायनो हाया
खुगाया गेवा बिखाया गेवो
मानोदि आं नोंखौल' मोजां मोनो अरायबो।
हास्थायबाय थायो आंनि गोसोआ नोंखौल' सना
मोजां मोनोमोन आं बिबार बायदि खानानै लानो
नाथाय मोना खाथियाव नों अनजालिखौ
सिमांआव जाखां फैबाय थायो नों सिरि-सिरि मानोबा।
नोंनो आंखौ खालामबाय जावलिया
मादि माया दड' नोंनि महराव।

मुसि अमर गोरा नार्जरी

जिला - चिरां



एसएसबिनि बान्जायनायाव सिगांग्रो फोरोंथाय होनाय बादा खुंदों

खायसे हारि-हारियारिफोरनि लाइमोन सेंग्रा-सिख्लाफोरखौं भरतयारि सान्थ्रि हान्जाजों लोगोसे गुबुन गुबुन बिफानआव सिगांग्रो फोरोंथाय होनायनि थाखाय रहा लादों होन्नानै मिबबिथिनो मोन्नाय जादों। बे आयदायाव भारत-भुटान सिमना ओन्सोलनि गुबैयै बर’ लाइमोन सेंग्रा-सिख्लाफोरजों लोगोसे गुबुन गुबुन हारिनि लाइमोन सेंग्रा-सिख्लाफोरखौं भारतयारि सान्थ्रि हान्जायाव थिसनजानायाव हेफाजाब जानाय बादि 64 नं एसएसबि बरमा, हाउलीनि बान्जायनायाव मोनसे सिगांग्रो सोलोंथायनि बादाखौं दिनै बाक्सा जिल्लानि सिडव थानाय ग्यानपीठ फरायसालिमायाव खुंफुंनाय जादों। दिनैनिफ़्राय खुंफुंनाय सान 6 नाडै फोरोंथाय होनाय बादाखौं हाबाफारि बादिदयै बेखेवनानै होयो बिटिसिनि बूंथिगिरि कातिराम बर’आ। 200 निबो बांसिन लाइमोनफोरा बाहागो लानाय बे हाबाफारिआव गाहाय आलासि महरै नुजाथिफैनाय बिटिसिनि बूंथिगिरि कातिराम बर’आ नुजाथिफैनाय लाइमोनफोरखौं सान्थ्रि हान्जायाव हाबनायनि बेसेन गोसा बिबूंथि होयो। लोगोसे माखासे निसा गोनां मुलिफोरखौं बाहायनो नाड़ होन्नानै बुडोे। मख’नो गोनांदि, सान्थ्रिआव थिसनजानायनि थाखाय गोनांथार गासैबो आयदाखौं हानाय बादि फोरोंथाय होनायनि रहा लादों होन्नानै मिबबिथिहोयो 64 नं एसएसबिनि कमान्डेन्ट एनके तामताया। हाबाफारिआव गाहाय आलासि महरै नुजाथिफैयो ग्यानपीठ फरायसालिमानि गोरयुं गुनजित दास, बाक्सा जिल्लानि पुलिस बिबानगिरि रजेन सिं, एसएसबिनि लोगो कमान्डेन्ट सन्धीप पुनिया, प्रेम कुमारमोजनं लोगोसे जायगानि गोबां गागि सुबुंफोर नुजाथिफैयो। हाबाफारिआव बाहागो लानानै जिल्लानि पुलिस बिबानगिरि रजेनसिंआ आगु फोरोंथाय होनाय बादायाव बाहागो लानाय लाइमोनफोरा जाफुंसारगोन होन्नानै मिजिंथिना ड़गस आरो समाजनि गाड़ि खामानिफ़ाय जानगाराव थानो बयखौंबो खावलायो। लोगोसे पुलिस बिबानगिरिआ जायफोर सुबुंफोरा ड़गस आरो समाज बरेश़ा खामानिफ़ोरव लोब्बा थायो बिसोरखौं पुलिसनो फोरमायथिनो खावलायो।

दैनि आंखालआव आबाद मावै हा महर लादों गोबां जौ बिघा आबादथिलिफोरा

हा महरै नुनो मोन्दं गोबां जौ आबादथिलिफोरखौं। बेसेबांबा मिजिं लानानै खोंथिया खुबैनायफोरखौं मोसौफोत्नो जाहोनो गोनां जादों ओन्सोलनि आबादारिफोर। जाहोनाव मोसौ गुमग्रा फैलाव फोथारनि महर मोन्दं गेदेस्थार आबादथिलिआ। मख’नो गोनांदि, गामिफोरनि गोबां जौ आबादारिफोरा साखाथिजोंनो बोहैलानाय राभा दैसाजों नांजाबनानै थानाय आबादनि थाखाय दै बान्दो खालामना लानायनि सायाव सोनारनानै सोलिबोदोंमोन आबाद मावनायखौं। नाथय 6 बोसोर सिगां आबादनि थाखाय दै लांग्रा बान्दोआ दै बानाजों बायफलंलांदों। गाव-गावनि रं खरसा खालामनानै आबादारिफोरा बान्दो खोनानै आबादथिलिआव दै लांनो नाजादोंमोनब्लाबो जाफुंडखै। जायनि थाखाय आधिखालाव दैनि आंखालाव आबाद मावै फैलाव हा महरै नुनो मोन्दं गोबां जौ बिघा आबादथिलिफोरखौं। बे आयदायाव अखानि दैजोंनो आबाद मावनो हागोन होन्नानै खोंथिया खुबैदोंमोन। उनाव अखानि दैखौं थि नांगौ बिबांनि मोनैआव गासै 22 बिघानि बांसिन खोंथिया खुबैनायफोरखौं मोसौनो जाहोनांनो गोनांथि जादों आबादारिफोरा। मख’नो गोनांदि, राइज्योनि दै जगायथाय बिफानआ आबादारिफोरनो दै जगायनायनि मुड़व बोसोरनाडै गुबुन गुबुन बिथांखि सोरजिना कौटि-कौटि रं खरसा खालामदों। बेयावनो बाक्सा जिल्लानि बिसोर आबादारिफोरनो जायखि-जाया मोनसे बिथांखि दिनैसिमबो मोनहैयाखै आबादारिफोरा। आबादारिफोरा अजद खालामदोंदि, दैसायाव फिन आबादथिलिआव दै लांनो थाखाय बान्दो खोनायनि थाखाय गोबां खेब बिफानारिसिम आर’ज खालामदोंमोन होन्नानै मिबबिथनाय जादों।

भवानीपुर आन्सलिक फरायसालिमायाव जिल्ला थाखोनि सांग्रांथियारि मेल खुंदों

बुंथिनानै होयोदि, आसामआव सरसन्सा महरै दिहुन्नाय जाग्रा मुवा एबा गोथां मुवा बेसादिनि जोहै गुबुन हादरनि हाथाइ दखल खालामनायजों राइज्योनि रंखान्थियारि जौगानायनि सायाव गुबुन गुबुन बिथांखिफोरनि सायाव गुवारै बुंथिनानै होयो। बेनि अनगायै सांग्रांथियारि मेलनि गाहाय आयदा-इयेश अफ ड़ुयिं बिजिनेस सुंद’यै इउडिबि आरो प्रधान मन्थ्रि फर्मैलाइजेसन अफ माइक्र’ फुड प्रसेसिं इन्ट्रप्राइज सुंद’यै पिएमएफ, एमइनि सिडव आगु आरो गोदानै गायसनजानाय उद्यग सामलायनाय आरो राइजो-राजाफोरनि रंखान्थियारि जौगानायनि सायावबो बुंथिनानै होयो सांग्रांथियारि मेलाव बान्जायगिरि नब कुमार तालुकदार आरो अरुप चक्रवर्तीमोनहा। भवानीपुर आन्सलिक फरायसालिमानि सोलोंथाय बिफाननि लोगो बूंथिगिरि रजु कुमार दासआ बान्जायफनाय सांग्रांथियारि बादानि मेलाव बरपेटा जिल्ला उद्यग आरो फालांगि मिरुनि बिबानगिरि रितुमनी पासनी, खायसे बिबानगिरिफोर फारिये उत्तम शइकिया, बिजे तालुकदार आरो सि काकटिमोनहाबो दंफायोमोन।

थाद’नाय गैयै अखा हानायजों जिउखां राहायाव जेंना नुजाथिदों

गायनो हादोंब्लाबो आधिखालाव अखा हानायजों दै बानानि थासारि नुजाथिनायाव माय आबादफोर दै सिडव लोमजानानै दड़। मैगं-थाइगंफोरबो थाद’नाय गैयै अखा हानायनि जाहोनाव सेवलांनो हमदों। जाहोनाव मैगं-थाइगंफोरनि बेसेनआ उफ़्रा बांदों। थाद’नाय गैयै अखा हानायनि जाहोनाव ओन्सोलनि लामा-सामाफोरखौंबो हाख’र-हलानि महर होदों। ओन्सोलनि जायखि-जाया लामाफोरखौं मोजां थासारिआव नुनो मोनाखै। गुबैयै चिरां जिल्लानि बासुगावनिफ़्राय कक्राइार जिल्लानि सालाखाटिसिम गासै 10 कि:मि:निबो बांसिन जोबोद गोनांथार पिडब्लउडि लामाफोर गाड़ि जादों। एसेबां गाड़ि हाख’र-हला महर नुनो मोन्दंदि, मथर-गारिफोरजों 20 मिनिटनि लामाखौं आधिखालाव 1 घन्टानिबो बांसिन सम नांदों। जायगा-जायगा गोथौ हाख’र फुखिनि महर मोन्दों। बे लामायाव गेदेर-गेदेर ट्राक-डाम्पारफोर थाद’नाय आरो हान्था-मेला खालामनायाव गुबुन गारिफोरा हान्था-मेला खालामनायाव जेंना नुजाथिदों। गुबुन फासै बासुगाव सहरआव थानाय रेलवे फ्लाइअभारनि खामानिआ सौलिगासिनो थानायाव बासुगाव दालाइ, आसाम साहित्य सभा भवन रेलवे स्टेसन नांजाबनानै थानाय लामाजों गारि-मथरनि हान्था-मेला खालामनांनायाव लामा हान्थिग्रा सुबुंफोरा जेंना नुजाथिदों। गुबैयै थाद’नाय गैयै अखा हानायनि जाहोनाव लामाफोर गाड़ि जानायजों लोगोसे ओन्सोलनि राइजो-राजाफोर जेंना नुजाथिदों।

नन्दिता शइकियाखौं बुथारग्रा दायनिगिरिखौं थाबैनो साजा होनो आमसुनि दाबि

गोबौ हाथियारजों गाम्लोबना गोब्राबै जोखोम खालामदोंमोन। नाथाय फरायसुलिखौं गोजूं थाखोनि फाहामथाय होदोंमोनब्लाबो फरायसुलिया थैनायखौं गोबाना लानो गोनां जादोंमोन। बे जाथायखौं गोखों रावजों सोंखारिदों बिजनी जिल्ला आमसुआ। अब’थिरायै जिउ गोमानो गोनां जानाय फरायसुलिनि नख’रनिसिम गोथौ दुखु मोन्नाय फोरमायहरनायजों लोगोसेनो दिनै बृहस्पतिबारखालि मोनाबिलि समाव बिजनी जिल्ला आमसुआ जिउ गोमानाय फरायसुलिनि आत्मा सान्थ्रिनि थाखाय ममबाथि सावनानै आर’ज गाबो। फरायसुलिनि सावगारियाव ममबाथि फोजोंनार्यनि उनाव से मिनिट इसोरनिसिम आर’ज गाबो। हाबाफारियाव बाहागो लानानै मिरु आमसुनि सोलोंथाइ नेहाथारि आबुल कालाम आजादआ फरायसुलिखौं खासि-बिस्त्रि गाम्लोबना जिउ फोजोबग्रा दायनिगिरिखौं फाष्ट ट्रेक कर्टनि गेजेरजों थाबैनो साजा होनांगौ होन्नानै खौरां बिजोंनि गेजेरजों दाबि खालामनायनि अनगायैबो फरायसा-फरायसुलिफोरनि थाखाय राइज्यो सरकारआ रैखाथि राहा खालामना होनांगौ होन्नानैबो दाबि खालामबावो बिथाड़। बे हाबाफारियाव बिजनी जिल्ला आमसुनि गोबां दैदेनिगिरिफोरा बाहागो लायो।

आसाम बिधान सभानि प्रेस रिपटर्स आफाद दादों

थाग्रा न’ब्लाडव खुंफुंजानाय मेलाव असमीया प्रतिदिन खौरंलाइनि गागि खौरंगिरि भबेन दत्तखौं आफादगिरि आरो हेरेन बुरगहाइखौं नेहाथारि महरै बयनिबो गनायथिजों सायख’नाय जादों। मेलआव बयनिबो गनायथिजों सायख’नाय आफादनि माखासे बिबानगिरिफोर जाबाय लेड़इ आफादगिरि सेनिम सुल्तान आहमेद, मौसमज्यति बैश्य आरो बिक्वजित दास। लोगो नेहाथारिफोर मुन गस्वामी, नयन प्रतिम कुमार, बिकाश सिं, अनिरुद्ध भकत सुटिया, आहिदुर रहमान खान(बाबा), बिरेस्वर दास आरो मुकुत राय। गागि खौरंगिरि प्रबिन कलिता, प्रान्जित शइकिया, रजकुमार शर्मा, अमल गुप्ता, भवेशि घिमिरे, मनज कुमार नाथ, उत्तपल बरुवा आरो दुर्बा घषमोनखौं आफादनि बोसोनगिरि महरै सायख’नाय जायो। मख’नो गोनांदि, आफादनि आगुनि आफादगिरि प्रान्जित शइकियानि आफादगिरि मासि सामलायनायाव खुंफुंजानाय मेलआव आगुनि आफादखौं फोजोबनायनि उनावनो गागि खौरंगिरि मनज नाथनि आफादगिरि मासि सामलायनायाव खुंफुंजानाय मेलनि जोहै गोदान आफादखौं नुजाथिफैनाय गासै सोद्रोमाफोरनि गेजेराव दानाय जायो। फारसैथिं फोरमायथि आरो सुबुं फोनांजाब बिफाननि जोहै गनायथिजानाय मोनफ़ोमबो खौरां बिजों नख’रनिखौं साफायै थान्देखौं आफादनि सोद्रोमा महरै थिसन्नाय जागोन होन्नानै दिनैनि मेलआव थॉखि लानाय जायो।

काबुल अां गाथोननि बायजोआव लिटारसे दै बथलखौं 3000 रंआव फानदों

सुबुंफोर होंगो-दोंगो खालामगासिनो दं। गासैनिबो मोनसे मिजिं जैरैखिजाया उरां गाथोननि सिडव हाबनानै आफगानिस्तानखौं नागारनाय। उरां गाथोननि बायजोआव रोज़ा रोज़ा सुबुंफोर उखैनाय आरो दुंखावनायाव उरांनि थाखाय नेनानै दड़’। दासिम उरां गाथोननि बायजोआव सोमजिनाय थासारिनि थाखाय गासै सा 20 सुबुंफोरनि जिफ गोमायो। काबुल उरां गाथोननि बायजोआव आधिखालाव ऑखाम आरो दैनि बेसेना बांबोगासिनो दं। काबुल उरां गाथोननि बायजोआव लिटार से लोंग्रा दै बथलनि बेसेना खमैबो 3000 रंआव फानजादों आरो बेनि अनगायैबो प्लेटफा ऑखामा 7500 रंआव फानजादों। हादोरनि थागिबिफोरनि बेबायदि अलखदनि समाव माखासे सुबुंफोर बेबायदि गावनि फालांगि सालायबाय थानाय हाबाफारिया आबुंथिगोनां समाजखौं लाजिफोनांदों। बे आंखालनि समाव आदार आरो दै बायनो हायै माखासे सुबुंफोरा उरां गाथोननि बायजोआवनो गांनाय-उखैनायजों हुस गैयै जानायखौं नुनो मोनदों। बेबायदि माखासे भिडिअफोरा ससियेल मेडियाआव भाइरेल जानायाव गोबां सुबुंफोरा बेखौं लानानै दुखु मोन्नाय फोरमायदों।

लक्षिमपुरआव पुलिसनि

इनकाउन्टारआव सासे दाकाथि जोखोम

कुलाबालिआव आजाहर आलिखौं हमनायनि उनाव खारखुमानो नाजानाय समाव पुलिसआ गुलि गावनानै जोखोम खालामो। मख’नो गोनांदि बगिनदिनि सिडिड्लनि गामिनि दाकात आजहार आलिखो ड़कुवाखाना महकुमानि पुलिस बिबानगिरि सौमर ज्यति भुजानि दैदेन्नायाव बगिनदि थानानि पुलिसनि मोनसे दोलोआ मोनसे दाकातिनि गसर थिसन्नायनि बिथायाव हमनानै लोगोआव लाफानानै संदानबाय थानाय समावनो खारखुमानो नाजानायाव पुलिसआ गुलि गावो। पुलिसनि गुलि गावनायाव आजाहर आलिखौं गाहाम फाहामथायनि थाखाय लक्षिमपुर सरकारि देहा फाहामसालियाव थिसनहैनाय जायो। आजाहर आलिनि हेंथायै दाकाति आरो ए टि एम लुथिनायनि गुबुन गुबुन जाथायफोरजों लोब्बा थानाय अजद दं।

आजिरा मोन्नाय लोगो फोरोंगिरि सुक्लेस्वर डेकानि रुंसारि जालांनायाव कालाइगावआव दुखुनि सायखं साग्लोबदों

ओन्सोल नाडैनो दुखुनि सायखं साग्लोबदों। बिथांनि रुंसारि जालांनायनि खौरां मोन्नानै ओन्सोलनि अनसायगिरि सुबुं, गुबुन गुबुन दोलो-आफाद, केन्डुकलाइ थुनलाइ समाज, फरायसालिनि फोरोंगिरि, बारा’ फरायसुला-फरायसुलिफोरजों ओन्सोलनि राइजो-राजाफोर बिथांनि न’आ नुजाथिहैनानै मान बाउहैयो। माखासे खन्थाइ बिजाब फोसावनायजों लोगोसे खन्थाइ सन्मिलनआव खन्थाइ आवरयनाय बे फोरोंगिरिआ इंराजि आयदायावबो आखा-फाखामोन। गोलाव समनिफ़्रायनो बेरामजों भुगिनांनानै डेकाआ थानाय 25 आगस्टखालि गावनि न’आवनो जोबथा हां बोयो। थैनाय समाव बिथाड़ बिसि, सानै फिसाज्ला-बिहामजो,फिसौज्ला-फिसौजोखौं बे संसाराव अरायनि थाखाय नागारलाडोे।

27 आगस्टआव कुमारिकाता दुलाराय बि टि सि धोरोमारि बाडाय सुबुं सानखो आफादनि

बेनि उनावनो मावफुं आपादगिरि फजर आलि आहमेदआ मुख्लंफोरनो मान बाउगोन। हाबाफारि बायदि्यै कुराण फरायनाय, खन्थाइ आवरयन्नुव बादायलायनाय खुंफुंनाय जागोन। मोनाबिलिनि 2 रिंगायाव आब्दुल मन्दलनि आफादगिरि मासि सामक्लायनायाव खुंफुंनो गोनां गेवलां मेलाव गाहाय आलासि महरै बि टि सिनि गाहाय मावफुं सोद्रोमा प्रमद बर’, माननि आलासि महरै रन्जत बसुमतारी आरो आमसुनि आफादगिरि रेजाउल करिम सरकारमोनहा बाहागो लागोन। गेवलां मेलखौं बेखेवनानै होंगोन कक्राइार हिन्जावसा फरायसालिमानि गोरायुं ७ आजिजुर रहमानआ। गोबां माननि आलासि आरो हांखायजानाय आलासिफोरा बाहागो लानो गोनां बे हाबाफारियाव राइजो-राजाफोरखौं मैखोमै बाहागो लाफैनो खुंफुं आफादा खावलायहरदों।

कक्राइार, शुक्रबार 27 आगस्ट, 2021

गुवाहाटीनि पान्दुआव गोदानै जाहाज फाहामफिनग्रा मिरु फसंनायनि थाखाय गोरोबथानि सागान होनायाव बाहागो लादों गिबि मन्थ्रि शर्माया

आइआइटि मद्राजआ जगायनानै होंगोन। स्लीपवे मुडैबो मिबबिथिनाय बे फाहामफिनग्रा रहा मिरुखौं लुफुंनो थाखाय आसाम सरकारआ 3.67 एकड़ हाखौं हगारनानै होदों आरो बे बिथांखिखौं फैगौ 2023 माइथायनि आगस्ट दानसिमाव आबुडै मावफुंनो गोनां। बे बिथांखिखौं 75 कौटि रंजों लुफुंनाय जागोन। गिबि मन्थ्रि शर्माया बे गोरोबथानि सही खालामनाय समाव गावनि बिबूंथि लाखिनाय बुब्लियाव फोरमायदोंदि, आसामनि दैमा-दैसाफोरव खमैबो गं 200 सो जाहाजफोरा सोलियो एबा सिबिथाय होयो। नाथाय माबा मोनसे जेंना सोमजियोब्ला फाहामफिन्नायनि थाखाय कलकातासिम लांनो गोनां जायो। नाथाय द जाहाजनि जायखि-जाया जेंना सोमजिनायखौं फाहामफिन्नो थाखाय गुवाहाटीआवनो खाबु मोनसिगोन लोगोसे रं आरो समआबो रैखा जासिगोन। गाहाय मन्थ्रि नरेद्र मदिआ सा-सान्जा ओन्सोलावा लामा, रेलवे, दै लामा, अखां लामा आरो इन्टरनेट फोनांजाब बिथिडव जौगाखांहोनायनि सायाव गोनांथि होनानै गोबांथार खामानि मावबोगासिनो दड़ होन्नानै गिबि मन्थ्रिआ बुंबावो। लोगोसे पान्दुआव बे स्लीपवे एबा फाहामग्रा मिरु फसंनायनि थाखाय मिरुनि मन्थ्रि सर्बानन्द सनवालनिसिम साबायख’र जासिनायजों लोगोसे आसामाव दै लामा खोन्दोखौं गोख्रॉसिन खालामनो आरो लाइमोनफोरखौं साब्रि थिसन्थायनि खाबु होनायाव मिरु सरकारनिफ़्राय नोंगोबादि हेफ़ाजाब होनो थाखाय खावलायो। बे हाबाफारिआवनो मिरु मन्थ्रि सर्बानन्द सनवालआबो गावनि बिबूंथियाव बुडोदि, गाहाय मन्थ्रि नरेद्र मदि दैदेन्नायाव एक्ट इस्ट पलिसिनि गेजेरजों सा-सान्जाखौं जौगाखांहोनाय आरो गोख्रॉसिन खालामनायनि थाखाय थाद’नाय गैयालासे खामानि मावगासिनो दड़। एक्ट इस्ट पलिसिनि गेजेरजोंनो बिबिआइएन आरो एसियान हादरफोरखौं सा-सान्जा राइज्योफोरजों खाथि सोमोन्दो आरो फ़ोनांजाबआव लाबोदों। गुवाहाटीआव जाहाज फ़हामग्रा मिरु फ़संनाया आसामनि रंखान्थियारि बिथिडव जौगानाय लाबोगोन। हादर उदांसिनि सिगां वृटिसफोरा आसामनि दिहुन्थायफोर जैरै दंफां, खैला बायदिफोरखौं दै लामानि गेजेरजों मुलुगुनि दाब-दाब बाहागोफोरव दैथायहरोंमोन। बेनिखायनो बे समाव जों बै समनि रहाफोरखौं लाबोफिन्नानै दै लामानि हान्था-मेला जांखिथायखौं सोदांनानै राइज्योनि रंखान्थियारि थासारिखौं जौगाखां होनांगोन होन्नानै मिरु मन्थ्रि सर्बानन्द सनवालआ फोरमायथियो। दिनैनि बे हाबाफारिआव आसामनि दारिमिन मन्थ्रि चन्द्र महन पाटव्यारि, मिरुनि मन्थ्रि सन्तानु ठाकुर, एमपि कुइन अज़ामोनजों लोगोसे गुबुन गोबां गोजूं थाखोनि बिबानगिरिफोरबो दंफायोमोन।

चिरां जिल्लानि रौमारिआव फरेस्ट स्कुल एन्ड क्लाइमेट सेन्ज रिसार्च सेन्टार लुफुंनायनि अन्थाय खुन्थिया गायसन्दों

रौमारिआव गंसे फरेस्ट स्कुल एन्ड क्लाइमेट सेन्ज रिसार्च सेन्टार लुफुंनायनि थाखाय अन्थाय खाम्फा गायसनबाय। बिटिआरनि गाहाय मावफुं सोद्रोमा प्रमद बर’आ दिनै गोदानै लुफुंनो लानाय बे फरेस्ट स्कुल एन्ड क्लाइमेट सेन्ज रिसार्च सेन्टारनि अन्थाय खाम्फाखौं गायसन्दों। बिटिआरनि गाहाय प्रमद बर’ बिथाड़ अन्थाय खाम्फा गायसन्नाय बुब्लियाव गावनि बिबूंथियाव बुंदोंदि, रौमारिआव फरेस्ट स्कुल एन्ड क्लाइमेट सेन्ज रिसार्च सेन्टार गायसन्नाया बिटिआरनि सोलोंथाय खोन्दोनि थाखाय मोनसे जारिमिनारि आगान। बे फसंथानआ माखासे जौगा थाखोनि गासै रहाफोरा थागोन। जेराव जौनि हालामनि फरायसाफोरा बे फसंथानआव सोलोंथाय लानायनि गेजेरजों हाग्रा आयदा आरो बोथोर सोलायनाय आयदानि सायाव खामानि मावनो आरो नार्यबजिरनायनि खाबुखौं मोन्नो हागोन। बिथाड़ बुंबावोदि, बे फसंथानखौं गायसन्नायनि गेजेरजों जौनि फरायसाफोरा सोलोंथाय लानो हानायनि अनगायैबो बे फसंथानआव साब्रि थिसन्नायनि बेलायावबो गाहाय बिफाव लागोन। प्रमद बर’ बिथाड़ फोरमायदोंदि, बिटिआरआव गोदान सरकार दानायनि उनाव सोलिफु सरकारआ दासिम गोबांथार जौगालु बिथांखिफोर मावफुंनायनि हाबाफारिफोरखौं जागायदों। जौनि ओन्सोलाव गोबांथार बिथांखिफोरखौं मावफुंनायनि गेजेरजों जौगानायनि मोनसे गोदान हान्थिनायखौं जों हास्थायदों होन्नानै फोरमायनायजों लोगोसे सेप्टेम्बर दानखौं गोरिब सुबुंफोरनि, अक्टबर दानखौं आबादारिफोरनि, नभेम्बर दानखौं आइजोफोरनि आरो डिसेम्बर दानखौं सोलोंथाय खोन्दोनि दान महरै बाउनो सोलिफु बिटिसि सरकारआ थांखि लादों होन्नानै फोरमायबावो। रौमारिआव बे फसंथानखौं लुफुंनो थाखाय 200 बिघा हा हगारनानै होनायखौं बाख्नायनानै बिथाड़ बे फसंथानखौं साबजथाव दथाय आरो गोबाव जोरस्थायनि थाखाय लुफुंनायनि खामानिखौं जागायनो मोनसे मास्टर प्लान थियारि खालामनो हाग्रा बिफाननि मावख’गिरिफोरखौं बिथोन होयो। दिनैनि बे अन्थाय खाम्फा गायसन्नाय हाबाफारिआव बिटिआरनि हाग्रा बिफाननि मावफुं सोद्रोमा रन्जत बसुमतारि, एमसिएलएफोर सावरायग्रा बसुमतारि, माधब चन्द्र शैजी, चिरांनि एमपि प्रान्जित बरा, बिटिआर हाग्रा बिफाननि गाहाय बिफानारि अनुगम सिंमोनजों लोगोसे गुबुन गोबां गोजूं थाखोनि बिबानगिरि आरो मावख’गिरिफोरबो बाहागो लादोंमोन।

बाक्सा जिल्लानि सिडव थानाय लोखिबाजार 27 बिएन एसएसबिआ साननैनि हाबाफारिजों मावबादा खुदों

सोमोन्दै फोरोंथाय होनाय जायो आरो बे मावबादायाव 27 बिएन लोखिबाजार, 24 बिएन रंडिया, 54 बिएन बड़इगाव आरो 64 बिन हावलिआ बाहागो लादोंमोन। बे मावबादायाव एसआइ, इनस्पेक्टार, साब-इनस्पेक्ट्र, मेजर आरो हेड कनस्टेबलफोरनो बे फोरोंथायखौं होनाय जादों होन्नानै लोखिबाजार 27 बिएनिन कमान्डार अभिसेक आनन्द बिथांआ खौरंगिरिनि सिगाड़व फोरमायो। लोगोसेयै बिथां अभिसेक आनन्दआ फोरमायबावोदि, सिमनायाव हादरखौं रैखा खालामनायजों लोगोसे हादरनि सिडवबो माखासे रैखा खालामनो गोनां जायो आरो बेखौं बिथांमोना खालामबाय थायो आरो बेफोरनिबो बे मावबादानि गेजेरजों सोलोंथाइ होनाय जायो। बे मावबादाया एसएसबिफोरनिल’ नड़ अदेबानि इन्टेलिजेन्ट ब्युर’, आसाम पुलिस बायदियाबो बे मावबादायाव सोलोंथाय लादों एबा थाखो लादों आरो बे सोलांथायनि गेजेरजों गोबां सोलोंनो मोन्दं जैरै सासे दायनिगिरिखौं माबोरै हमो, गंसे सिख़व खावनानै खरानाय गारिखौं मा बादि हमनांगौ, हाग्रायाव सिखावफोर हमनोबा मा बादि जानो नांगौ बेखौं सोलोंदों आरो सोलोंनांगौ जानानै फैदों मानोना सुप्रिम कर्टआ आधिखालाव जोबोर गोखों जादों बेनिखायनो बिथांमोनहा सुप्रिम कर्टनि नेमखान्थि बादिदयै सोलोंनो आरो हाबाखौं मावनो गोनां जादों होन्नानैबो बिथांआ खौरंगिरिनि सिगाड़व फोरमायदों।

सोलोंथाय फसंथानफोरा 1 सेप्टेम्बरनिफ़्राय खुलिसिगोन, कभिड भेक्सिन थुजाथारनांगोन

जालियानि जोबथा बोसोर आरो एमए/एमएससि थाखोनि जोबथा बोसोरारिनि थाखो फरा-फारिखौं जागायजेन्नो थाखाय थांखि लायो। मख’नो गोनांदि, बे आयदायाव फरायसाफोर आरो फोरोंगिरिफोर बयबो बे बिथिडव आधिखालाव महामारि कभिड भाइरसनि थासारिआव कभिडनि भेक्सिनखौं लानांगोन होन्नानैबो सोलोंथाय मन्थ्रि रुजुज पेगुआ बुडोे। राइज्योनि 18 बोसोरनि गोजौनि साफ़्रोमबो फरायसाफोरखौं गाबोन एबा 27 अक्टनिफ़्राय राइज्यो सरकारआ भेक्सिन थुनानै होंगोन होन्नानैबो सोलोंथाय मन्थ्रिआ सुलुड़व फोरमायनानै होयो। बेराफासै राइज्योनि सोलोंथाय फसंथानफोरनि हस्टेलफोरखौंबो सेप्टेम्बर दाननिफ़्राय फिन खुलिनानै होनाय जागोन। नाथाय हस्टेलफोरव थानो गोनां साफ़्रोमबो फरायसाफोरा कभिडनि सेथि आरो नैथि भेक्सिनखौं थुजानांगोन होन्नानैबो मिबबिथनाय जादों।

गोदानै लुफुंनाय कक्राइार आइन फरायसालिमाखौं बेखेवबाय

फरायसालिमा लुफुंनो थाखाय थांखि लादों। दिनै बेखेवनाय बे गोदान बिल्डिं केम्पासनि गेजेजों कक्राइार आइन फरायसालिमानि फरायसाफोरा गोगो सोलोंथायनि आबहावा मोन्नो हासिगोन होन्नानै फोरमायथियो बिथां बर’आ। मख’नाय जायोदि, बिटिसिनि बारा’ गाहाय खुंगिरि हाग्रामा महिलारिआ थानाय 2017 माइथायाव कक्राइार आइन फरायसालिमानि बे गोदान केम्पासखौं लुफुंनायनि अन्थाय खाम्फाखौं गायसन्दोंमोन। थानाय गोबाव बोसोरनिफ़्रायनो कक्राइार आइन फरायसालिमाखौं हातिमातायाव थानाय गंसे बिल्डिं न’आव जेबो मोजां रोखोम रहा गैयैनि गेजेरजों सामलायबोदोंमोन।

शमिता शेट्टि आरो राकेश बापटआ बिग बस अटिटावखाथिनि सोमोन्दोआव फैदों

गोदान दिल्ली, 26 आगस्ट : बिग बस न'आव बादायारिफोरनि गोसो मिलायनायनि रलआ गोजाम जादों। बे हाबाफारिआव आथिखालाव शमिता शेट्टि आरो राकेश बापटनि गेजेरनि जानथाया जानगार जालानो नागिरदों। बिसोर सानैआ आथिखालाव गावजों गावनि पार्सनेल लाइफखौ लानानैबो बाश्ना सेयार खालामनो हमादों। राकेसआ बावैसो समाव शमिताखौ गुडमनि किस खालामनानै उन्दुनायनफ्राय फोजादों। फार्सेथि आथिखालाव राकेशआ रिद्धिजों लोगोसे गावनि सोमोन्दोखौ लानानै शमिताजों



उदाडे बाश्ना सावरायदों। राकेसआ बुंदोंदि, बिनिया एलजाइटिनि जेना दड आरो बियो 3 सप्ताहसिम लान्थ्रियै उन्दुआलासे थादों। बिन

बिबानाव आरो बिमाया गोबां जिगासिदोंमोन। राकेसआ बुंवादों गाव गोसो बायनायनि लामायाव थादोंमोन। बेनि स्व'आव शमिता आरो राकेसनि

बन्डिखौ साफ्रोमबो नुनो मोन्दों। थानाय सानफोराव नायगिरिफोर नुनो मोन्दोंदि, माबोरै राकेशआ शमिताखौ किस खालामनानै अन्नानै फोजादों। माखासे सान सिगां जेब्ला शमिता आरो निशान्तिनि गेजेरव गोब्राव दान्थे बिदान्थेआ जादों अब्ला राकेसआ शमिताखौ बुजायनोबो नाजादों। बावैसो समाव राकेशआ गावनि आरो शमितानि सोमोन्दे मोनसे एपिसडआव बुंदों, जॉनि गेजेरव मोनसे काने कसनआ जागायबाय। आथिखालाव बेयो मोनसे औरैबायदि थाखोआव दड जेराव जों थासाखौ मोजां रोखोमै गोजेर होयो आरो गावजोंगाव बुजिलायो। थानाय

सप्ताहयाव स्व'आव नुनो मोन्दोंदि, माखासे बादायारिफोरा राकेसखौ शमितानि मुं लानानै जंखायदोंमोन। बाश्नाय बिसोर सानैनि जुलिनबो जादोंमोन फार्सेथि शमिताआ करन जहरनि सिगाडाव फोरमायदोंमोनदि गाव थानाय 20 बोसोरनिफ्राय गावनि बिब'नि मुनि हेफाजाबजों लोगोसे इन्डास्ट्रीआव सार बाइव खालामदों। आथिखालाव गाव बिग बसआव गावनि सिनायथि बानायनो फैदों। मख'नो गोनांदि शमिताया नैथि खेब श्व'नि बाहगो जादों, बेनि सिगांभो बियो बिग बसनि न'आव एन्ट्र'खालामखांबाय।

मनज बाजपेयीआ के आर केखौ निमाहा होनो गोसो होयाखै



बियो गिबि हेयारिनि थाखाय सुबुंथि महरै इन्दरनि बिजिरसालियाव बाहागो जागोन। जेब्लानो गोनांथि जागोन। बियो गुबुन हेयारियाव बाहागो लानो थाखाय सम होगोन। गुबुन फारसेथि के आरकेआ थादनायनि मुं लायाखै। बियो मोनसेनि उनाव मोनसे दुइट खालामनानै लान्थ्रियै गाग्लोबदों। गावनि दुइटआव केआरकेआ लिरदों आं दासिमाव जेबो नटिस मोनाखै, नाथाय मिडियानि बायदिब्ला मनज बाजपेयीआ आंनि हेंथायै मानहानिनि केसखौ इन्दरआव थिसन्दों। जेब्ला मनजआ मुम्बाइआव थायोब्ला बियो मानो केस थिसननो थाखाय इन्दरआव थादों? मा बियो मुम्बाइ पुलिस आरो आयेननि सायाव फोथाया नामा? नोंथांमोनहो मोनथिगौदि, सोर इन्दरनि? मख'नो गोनांदि, मनज बाजपेयीआ केआरकेनि हेंथायै इन्दरनि गंसे बिजिरसालियाव मोनसे दुइटनि थाखाय मावख' आरि मानहानिनि केस थिसन्दों। 26 जुलाइयाव गावनि बे दुइटआव केआरकेआ मनज बाजपेयीखौ लानानै गाचि सोदोब बुंदोंमोन।

अभिषेक बच्चनआ सार्जरी जाखानाय लोगो-लोगोनो शुटिनि थाखाय चेन्नाइयाव थांफिन्दों




गोदान दिल्ली, 26 आगस्ट: बलीउड फावखुंगुर अभिषेक बच्चनआ गावनि इनस्टाग्राम एकाउन्टजों मोनसे पस्टखौ शेयार खालामदों। बे पस्टयाव बियो गावनि मोनसे सावगारिखौ शेयार खालामनानै गावनि हास्थायगिरिफोरखौ आर'ज गाबनायनि थाखाय साबायखर बाउदों। बेनि अनगायै फावखुंगुरआ फोरमायदोंदि, थानाय सानयाव गाव मुम्बाइनि लीलाबती देहा फाहामसालियाव मानो थिसन जानो गोनां जादों। लोगोसेनो बियो गावनि हेल्थनि आपडेट होनानै बुंदोंदि, हेवाफोरनि सायाव आरो बिसोर बेनिखायनो गोदाने गावनि हाबाफारियाव नांथाबनाय अभिषेक बच्चनआ गावनि जाय सावगारिखौ इनस्टाग्रामआव शेयार खालामदों बेवहाय बिखौ आगदा आखायाव बेन्देस आरो खुगायाव मास्क गानाय नुनो मोन्दों। बेखौ शेयार खालामनानै अभिषेकआ केफानआव लिरदों थानाय बुधवारआव चेन्नाइयाव आंजों लोगोसे फैनो गोनां सावथुनि शुटिनि सेटआव मोनसे जेना गोनां जाब्रबथाया जादोंमोन। आंनि आगदा आखायाव फ्रेक्चर जादों। बेखौ मोजां खालामनो थाखाय सार्जरीनि गोनांथि जादों आरो थाबैनो चेन्नाइनिफ्राय मुम्बाइयाव फैदों। आखायाव इन्जरी जादोंब्लोबो अभिषेक बच्चनआ हाबाफारिनि थाखाय चेन्नाइयाव थांसिगोन। बेनि सोमोन्दे फोरमायबावनानै बियो लिरदों सार्जरी जाबाय गासिबो पेच-अप आरो कास्टआ जोबबाय। आथिखालाव हाबाफारि मावनो थाखाय चेन्नाइयाव थांफिन्दो थियारि जाबाय। अभिषेक बच्चनआ गावनि पस्टआव गावनि फेन्सफोरनो साबायखर बाउनानै लिखावदों 'नोंथांमोननि गाहाम हामलायथि बाउनाय आरो थाबैनो देहाया मोजां जानायनि मेसेजनि थाखाय साफ्रोमनोबो साबायखर'। मख'नो गोनांदि, थानाय सानाव लीलाबती देहा फाहामसालिनि बायजोयाव अमिताभ बच्चखौ बनि फिसाजो श्वंता नन्दाजों लोगोसे स्पट खालामनाय जादोंमोन।

गोदान दिल्ली, 26 आगस्ट: कमाल आर खान एबा के आर केनि कन्ट्र'बार्सिनि फारिलाइयाव आथिखालाव गोदान मुडा थाफादेदों आरो बे मुडनो जादों फेमिली मेन'नि मनज बाजपेयी। मनज बाजपेयीआ केआरकेनि हेंथायै मानहानिनि के थिसन्दों। बियो मोनसेनि उनाव मोनसे दुइट खालामनानै मनज बाजपेयीनि सायाव गोखों बाश्ना बुंदों। केआरकेआ बुंदोंदि, मनज बाजपेयीनि गेजेरजों थिसनाय मानहानिनि केसआव गाव आथिखालाव जेबो नटिसखौ मोनाखै आरो जुदि गाव नटिसखौ मोनोब्ला गावनि उकीलआ गावनि थाखाय बे केसखौ इन्दर कर्टआव बादायगोन। बेल' नडा

के आरकेआ मुं लायाजासे सलमान खानखौबो गावनि बेंखन्थायाव लादों। फारसेथि मोनसे बाश्ना सावरायनायाव मनज बाजपेयीआ बे आयदायाव कमेन्ट खालामनायखौ रोखायै गनायाखै। फावखुंगुरआ बुंवादों आथिखालनि थाखाय जेबो बिबुंथि गैया। आंखौ जायखि जाया बिबुंथि होनायाव नेवसिगारनो बुंनाय जादों। नाथाय मनजनि सासे खाथिनि सोमोन्दो गोनां सुलुडा बुंदोंदि, बियो बे केसखौ थांखिसिम लानानै थानो हास्थायदों। माखासे खेब फावखुंगुरआ मानहानिनि थाखाय थाडे आरो केसआ जेना गोनां जायो। गोलाव दावहा नांदोंमोन। मनजआ केसखौ जोबजासिम नायनो हास्थायदों।

के आरकेआ मुं लायाजासे सलमान खानखौबो गावनि बेंखन्थायाव लादों। फारसेथि मोनसे बाश्ना सावरायनायाव मनज बाजपेयीआ बे आयदायाव कमेन्ट खालामनायखौ रोखायै गनायाखै। फावखुंगुरआ बुंवादों आथिखालनि थाखाय जेबो बिबुंथि गैया। आंखौ जायखि जाया बिबुंथि होनायाव नेवसिगारनो बुंनाय जादों। नाथाय मनजनि सासे खाथिनि सोमोन्दो गोनां सुलुडा बुंदोंदि, बियो बे केसखौ थांखिसिम लानानै थानो हास्थायदों। माखासे खेब फावखुंगुरआ मानहानिनि थाखाय थाडे आरो केसआ जेना गोनां जायो। गोलाव दावहा नांदोंमोन। मनजआ केसखौ जोबजासिम नायनो हास्थायदों।

खोला आफ्रिकाआव सासे भारतीय आइजो बुथारजादों




हान्सिबर्ग, 26 आगस्ट : थानाय बोसोराव खोला आफ्रिकाआव कभिड-19 लकडाउन समाव कोटि डलरनि पिपिडि गेना खान्थिनि सोमोन्दे खौर होनाय भारतीय फोलेरनि 54 बोसोरनि सासे आइजोखौ बुथारदों। बिबानगिरिफोरा बे जाथायखौ गोथौयै नायबिजिरदों। गौतेंगा रञ्जनीनि देहा बिफानआव सासे

गागि बिबानगिरि बिबिता देवकरनखौ बनि कारनि दरजाजों माखासे गुलि गावनाय जादों, जेब्ला बियो गावनि गथ'खौ स्कुलाव दौनैहेंखांनयनि उनाव जहानसबार्गनि उपनगरआव गावनि न'फार्से फैफिन्दोंमोन। बिखौ देहा फाहामसालियाव लाना थानाय जादों। नाथाय बनि जिउया गोमाबाय मोन।

देवकरनआ थानाय बोसोराव खोला आफ्रिकाआव कभिड-19 लकडाउन समाव पिपिडिनि जगायना होनायआव 330 मिलियन रेन्डनिफ्राय बांसिन गेनाखान्थि जानायनि सोमोन्दे खौरां होदोंमोन। एसआइइडनि बुंथिगिरि कैजर कगन्यागआ बुंदों देवकरनआ देहा बिफानआव गेनाखान्थिखौ नायबिजिरनायआव थाफादेनाय साखीफोरनि गेजेरव सासेमोन। कगन्यागआ बुंदों, बिकरनआ माब्लाबो बेबादि हाबाफारियाव बाहागो लानायआव खैफोदखौ मोन्दोंथिदों होनानै इसारा होयाखै। गौतेंगानि प्रिमियर डेभिड मखुराआ बुंदों दायनिगिरिफोरखौ नागिरनो थाखाय पुलिस हान्जाखौ दाफुनाय जाबाय।

रणबीर सिंह बायदि नुदों होन्नाय पेपराजीनि बाश्नाखौ खोनानानै आलिया भाट्टआ गोनो-गोथोयाव गोगलैदों

गोदान दिल्ली, 26 आगस्ट: बलीउडनि किउट आलिया भाट्टखौ मुम्बाइ एयारपर्टआव स्पट खालामदों। बे समाव बनि एयारपर्ट लुकखौ नुनानै पेपराजीआ बिखौ रणबीर सिंजों रुजुदों। पेपराजीनि बे बाश्नाखौ खोनानानै आलियाआ एसे गोनो-गोथो जानानै गोबां आलादा रिपेक्सन होदों। पेपराजीजों लोगोसे आलियायनि बे गासिबो बाश्नाफोर आरो बनि रिपेक्सनआ भिडियआव से बखंजादों, जाय



आथिखालाव फारफ्रोमथिंभो सावरायजादों। भिडियआव नुनो मोन्दोंदि, सासे पट'ग्राफारआ आलियानाव

गाहाम देहानि राहा साइकेल सालायनायआ देहानि थाखाय गाहाम

जानला-मोनला जाग्रा आदार जानाय आरो नेमखान्थि बादि जिउ खुडेनि जाहोनाव माखासे सुबुंफोर गुफु देहानि मैहुर जानादों। उदै आरो सिनसिनि खाथि खालायाव मेजेमा गोखै बाडे। नाथाय बेखौ थाबैनो खमायनो हाया। गुफु देहा आरो उदैनि मेजेमखौ खम खालामनो थाखाय साइकेल सालायनायआ गोबां मुलाम्फा गोनां जायो। मानोना साइकेल सालायब्लामेटबालिक रेटआ बाडे। मोदोम बेदरा गोखौ जायो आरो बडिनि मेजेमाबो खम जायो। दिदोमै आरो नेमखान्थिया बादिदियै साइकेल सालायब्लामेट 1 घन्टयाव 300 केलरिआ बार्न जायो जेसेबां गोबां साइकेल सालायगोन एसेबांनो गोबां केलरिया खामगिलमोन आरो देहायाव मेजेमा खम जागोन। साइकेल सालायनायनि माखासे मुलाम्फाफोरखौ गाहायआव फोरस्मायनाय जाबाय-



(1) मुवा बेसाद सालायब्लामेट गोसोयारि बेराम लायनो बाजारव, अफिस आरो स्कुलाव थांब्ला साइकेलखौ बाहायनांगो। बेजों केलरिआ बार्न जागोन। लोगोसे माखासे रोखोमनि बेरामनिफ्रायबो रैखाथि मोनगोन। (2) साइकेल सालायब्लामेट गोसोन्दो थानाय बेरामफोर, स्ट्रक, डायबिटिस आरो डिप्रेसनआबो जानगार जायो। (3) साइकेल मोनसेल-इम्फक्ट एक्ससाइज जायखौ गासिबो रोखोमनि बैसोनि सुबुंफोरा रंजा-बाजा खालामनो हागोन। (4) साइकेल सालायनो सुबुरुन होयो।

सालायब्लामेट गोसोयारि बेराम बादि दुखु जानाय, जिंगा सिनाया जानगार जायो। साइकेल सालायनायआ मोनसे मोजां एक्टिभिडि। बेयो मोदोम बेदरखौ गोखौ खालामो, हाय बेगेंखौ गोखौ खालामनो आरो गुफु देहाखौबो खम खालामनानयनि थाखाय मोनसे मोजां एक्ससाइज। माखासे संदान्नायआव मोनथिनो मोन्दोंदि सानफ्रामबो 1 घन्ट साइकेल सालायब्लामेट 300 केलरिया बार्न जानो हागौ। हेल्था जरखाफोर सानफ्रामबो 30-60 मिनिटसिम साइकेल सालायनो सुबुरुन होयो।

कौन बनेगा करडुपति 13 नि गिबि खोलोबयाव रामायणजों सोमोन्दो गोनां 12 लाख 50 रोजानि सोंथियाव बादायारिया कुइट खालामदों

गोदान दिल्ली, 26 आगस्ट: दासिमाव गोबां सुबुंफोरखौ करडुपति खालामनाय टीभिनि बयनिखुइबो हिट रिएलिटी कुइज श्व' 'कौन बनेगा करडुपति'नि 13 थि सिजेनआ जागायबाय। बे श्व'आ थाबैनो 13 बोसोर फुरा जासिगोन। श्व'खौ आरोबाव खनसे अमिताभ बच्चनआ गावनि ग्रेन्ड आखुजों हस्ट खालामदों। श्व'खौ लानानै नायगिरिफोर आरो बादायारिफोरनि गेजेरव गोबां क्रेजखौ नुनो मोन्दों। बुधवारव जानाय एपिसडआव रलअवार बादायारि स्वातीआ हटसीटआव दडमोन। स्वातीया गावनि खेलाखौ गोबां मोजाडे जगायदों। बादायारिया लान्थ्रियै 10 सोंथिफोरनि फिन्नायखौ मोजाडे होदों आरो 3 लाख 20 रोजा रंखौ देहामदोंमोन। स्वातिनि खेला गेलेनायजों बिग बीखौबो गोबां इम्प्रेस जानाय नुनो मोन्दों नाथाय 12 थि सोंथियाव बियो थाबथाहैयो। बादायारि स्वातीआ



11 थि सोंथिसिमाव गावनि गासिबो लाइफ लाइनखौ बाहायजोवदोंमोन। 11 थि सोंथिसिमनि गासिबो फिन्नायखौ होनानै स्वातिआ 6 लाख 40 रोजा रंखौ गावनि खालामदों। नाथाय 12 थिनि सोंथियाव बियो थाबथाहैयो। बियो 12 थि सोंथिनि थार फिन्नायखौ मोनथियामोन आरो बिनियाव जेबो लाइफ लाइनबो गैलामोन। बेबायदिदाव बियो श्व'खौ कुइट खालामनायावनो

मोजां सान्दों। नाथाय बियो हटसीटखौ नागरानायनि सिगां बै 12 थि सोंथिनि थाखाय मोनसे फिन्नायखौ होनांगोमोन। स्वनि फर्मेटनि हिसाबै स्वातिआ मोनसे फिन्नायखौ सायख'यो। नाथाय स्वतिनि बे फिन्नाया गोरोन्थि जायो। मख'नो गोनांदि, स्वातिआ सासे टीसार। फारसेथि स्वातिआ जिउआव अरायसम मिनि खुसियै थाना थानो मोजां मोनो।

आं मोजाडे दड। बेनि उनाव सासे फट'ग्राफारआ बुडोदि, नोंथांखौ रणबीर सिं बायदि नुदों। बेनि सायाव आलियाआ एसे गोनो गोथो जानानै बुडे, मा, मा रणबीर सिं। बेनि उनाव गुबुन फट'ग्राफारआ रोखायै बुडे रणबीर सिं नडा रणबीर कापुर बायदि। बेनि उनाव साफ्रोमबो फट'ग्राफारफोरखौ आरके होन्ना हसिखावनाय नुनो मोनो। बेनि उनाव आलियाआ बुडे थादों हर जाबाय। आलियायनि बे

भिडियखौ वीरल भयालीआ गावनि इनस्टाग्राम एकाउन्टआव शेयार खालामदों। बे भिडियआव नुनो मोन्दोंदि, आलियाखौ ब्लेक हेट आरो जेकेट गान्नाने टर्मिनेल बिर्लिन फारसे थाबायनाय नुनो मोन्दों। फेस मास्क गान्नाने बियो लासे लासे थाबायनानै एयारपर्टआव थानाय फट'ग्राफारफोरनि सोंथिनि फिन्नायखौबो होदों। आथिखालाव बनि बे भिडियआ गोबां भाइले जादों।

आफगानिस्तानाव बथलसे दैआ 2,964.81 आरो प्लेटसे ओंखामा 7500 रां बेसेनाव फानजादों

काबुल, 26 आगस्ट : आफगानिस्तानखौ तालिबान दखल खालामना लानो हानायनि उननफ्रायनो फारफोमथिबो दावराव-दावसिन थसारि सोमजिदों। आफगानिस्ताननि सुबु'फोरा गावसोरखौ बबेबा हादतआव आश्रय होनो हागौनि मिजिं लानानै आरो तालिबानखौ गिखानानै काबुल उरां जाहाज गाथोननि मोखाडव खारलानानै थुबुर जाना थाहैदों। फार्सेथिं आमेरिकाजों लोगोसे गोबां हादतफोराबो काबुलनिफ्राय गावबा गाव हादतनि नोगोरिफोरखौ रैखाथियै दिहुना लानो नाजागामिनो। बेफोरनि जाहोनावबो काबुल उरां गाथोननि बायजोआव सुबु'फोरा होंगो-दोंगो जमा जाहैदों आरो गाव गावनि फारिया माब्ला मोनगोन बेखौ नैना बेयावबो सान-हर थादों। बेनि जाहोनाव बेयाव जाग्रा-लोग्रा मुवाफोरनि बेसेना अर जौब्लावदों। खौरनि बादिब्ला, सासे आफगाननि नोगोरारिया फोरमायदोंदि, बेयाव जाग्रा मुवा आरो लोंग्रा दैनि बेसेना थार बेसेनखुइ गोबां गुन बांसिन बेसेनाव फानजादों।



आफगाननि सुबु'फोरा फारसेथिबो नाखेबजाना दं, बे समाव। फार्सेथिं तालिबानफोरनि इनाय-अनगार खालामनाय आरो गुबुन फार्सेथिं बेसेन बांनय। खौरनि बायदिब्ला काबुल उरां गाथोनाव दै बथलनि बेसेना 40 आमेरिकानि डलार जाय भारतीय रांआव 2,964.81 रां प्लेटसे ओंखामनि बेसेना 100 आमेरिकानि डलार, जायनि बेसेना भारतीय रांआव 7,500 रांनि फानजादों। नोजोर होथाव बाश्रादि बेयाव मुवा बेसादफोरा खालि डलारआवसो फानजादों, आफगानिस्ताननि रांखाथिआव फानजायाखे। आथिखालाव

बेयाव दैनि बथल एबा जाग्रा बायोब्ला बायोब्ला आफगानिस्ताननि रांखाथिनि हिसाबैसो रांखो होनांगो। काबुल उरां गाथोनाव सासे सुबु'फोरा फोरमायबावोदि बेयाव गासैबो मुवाफोरनि बेसेना ओरैबादि बांदोंदि, सरासन्हा सुबु'फोरा बेफोरखौ बायनो हाया जादों। बेयाव गोबां सुबु'फोरनि होंगो-दोंगोनि जाहोनाव आइजो आरो उन्दै गथ'फोरा जोबोद गात्रि थारारियाव दड। सुबु'फोरा जेरै मेरैनो, जानला-मोनला सान-हर थादों। बिसोरो आफगानिस्तानखौ नागरानै

थानो ओरैबादि गोसोजाना बेयाव थादोंदि, बेनिफ्राय गावनि जायगायाव एबा न'आव थांफिन लासे मैला-मैथा दै आरो गात्रि जाग्रा आदार फोरखौनो जानानै उरां गाथोनाव गावनि फारिया माब्ला फेगोन, माब्ला गुबुन हादतआव थानो खाबु मोनगोन बेखौ नैना दड। जायगानि मिडियानि भिडिय फुटेजफोराव नुनो मोनोदि, काबुल उरां गाथोनाव मोनसे कंक्रटी बेरियारनि उनथिं गोबां अन्जमानि सुबु'फोरनि होंगो-दोंगोखौ नुनो मोन्दों आरो बिसोरो पेन्सिंजों बंखनानै दड।

आमेरिकायाव भारतीय नख'रनि जौखोन्दो आयआ 1,23,700 डलार, सम्पति, सोलौंथायाव भारतीयफोरा सिगाडव: रिपर्ट

गोदान दिल्ली, 26 आगस्ट: आमेरिकायाव जौखोन्दोनि 1,23,700 डलार (91.5 लाखनि बांसिन) नि नख'रनि आय आरो 97 जौखोन्दो ग्रेजुएटजों लोगोसे रांखाथि आरो फरायसालिमानि सोलौंथाय लानायनि केसआव भारतीयफोरा गुबुन हादतनि सुबु'फोरनिखुइ आवगायसिननो हादों। गोदान सेन्सासनि अन्जमाफोरखौ बिथा खालामनानै मोनसे मिडिया रिपर्टआव बे खौराडव मिथिहोदों। निउयकं टाइम्सनि सेन्सासनि अन्जमाफोरखौ नायबिजिरनाय बादिब्ला, आमेरिकायाव एशियानि सुबु' महरै सिनायथिजानाय सुबु'फोरनि अन्जमाया थांनय 30 बोसोरआव 3 गुन जादों। एशियानि सुबु'फोर आमेरिकानि मोनब्रे बयनिखुइबो देरसिन बोरोन आरो जाति हान्जाफोराव बयनिखुइबो गोब्रेसिनै बांबोदों। आथिखालाव आमेरिकायाव 40 लाख भारतीयफोरा थायो। बिसोरनि सा 16 लाखनियाव भिजा दड, सा 14 लाखआ नोगोरारि मोन्थाय मोन्नाय थागिबि आरो सा 10 लाखआ आमेरिकायाव जोनोम मोन्नाय



थागिबि मोन्थाय मोन्नायफोरा रिपर्टनि बादिब्ला, आमेरिकायाव भारतीयनि जौखोन्दो नख'रनि आयआ 1,23,700 आमेरिकानि डलार, जाय भारतनि जौखोन्दो आय 63,922 डलार आयनि नैगुन। फार्सेथिं आमेरिकायाव थानाय गासै भारतीयफोरनि 79 जौखोन्दोआ ग्रेजुएसन खालामखांबाय। फार्सेथिं हादतआव बेनि हारआ 34 जौखोन्दो। भारतीयफोरनि आयआ आमेरिकायाव थानाय

गुबुन एशियानि फोलेर हान्जाफोरनि नख'रनि आयनि बिथिंआवबो बांसिन। बे फारिलाइयाव भारतनि उनाव नैथियाव ताइवानीफोरा 97,129 डलारजों आरो थामथियाव फिलीपीनीफोरा 95,000 डलारजों जायाग आवगिदों। माहारियारि थाखोयाव 33 जौखोन्दोनि रुजुनायाव खालि 14 जौखोन्दो भारतीयफोरा जौखोन्दो नख'रनि आयखौ 40,000 डलारनि खमसिननि

खौरं होदों। रिपर्टआव बुनाय जादोंदि, भारत हादतनि सुबुइ कम्पिउटर बिगियान, रांखाथि सामलायनाय आरो फाहामथायजों लोगोसे माखासे गोजौ थाखोनि गोबां बेथन मोनग्रा साखिफोराव मोनसे मख'जाथाव बाहागो दड। आमेरिकायाव 9 जौखोन्दो डक्टरफोरा भारत हादतनि आरो बिसोरनि थावसेनि बांसिनानो गुबुन हादतआव थाहैनाय भारतीयफोरा

नेपालआव मोनै गोदान पार्टिफोरखौ बिसायख'थि आयगआ गनायथि होदों

काठमान्डु, 26 आगस्ट : नेपालाव बिसायख'थि आयगआ मोनै गोदान दोलोफोरखौ गनायथि होदों। बे मोनै गोदान दोलोफोरनि मुख जादों नेपाली कमिउनिस्ट पार्टि आरो लकतान्त्रिक समाजबादी पार्टि। कमिउनिस्ट पार्टिनि गाहाय माधव कुमारआ नेपाली, जेराव समाजबादी पार्टिनि आफादगिरिआ महन्ठ ठाकुर। मोनैबो हान्जानिफ्राय गोदान पार्टिनि महारव गनायथि होनो थाखाय थांनय सप्ताहआव आर'ज गावनाय जादोंमोन। थांनय सप्ताहआवबो नेपाल सरकारआ मोनसे बिथोनमा फोसावनानै राजखाथि दोलोआव गावसानाय नेमखाथिखौ गोलें बानायदोंमोन। आथिखालाव जायखि जाया नेपाली पार्टिनि



20 जौखोन्दो सायख' जानाय थान्देफोर आरो बेसेबानो मिरु समितिनि सोद्रोमाफोय खौसे जानानै गोदान पार्टि दाफुनो हागोन। नेपाली कमिउनिस्ट पार्टिनिफ्राय फेनाय सा 30 एमपिफोर आरो मिरु समितिनि सा 55 सोद्रोमाफोरा खौसे जानानै नेपाली कमिउनिस्ट

पार्टिखौ दाफु'दों। नेपाली कमिउनिस्ट पार्टिनि गाहायआ बारा' गाहाय मन्थि केपी शर्मा अलि। जेराव लकतान्त्रिक समाजबादी पार्टिआ उपेन्द्र यादबनि सामलायनाय जनता समाजबादी पार्टिनिफ्राय गावसानानै सोमजि खानाय।

भारत, ब्राजिल आरो खोला आफ्रिकानि माहारियारि रैखाथि बोसोनगिरिफोरा सिमना ओन्सोलफोराव उतखारिफोर दैथायहरनायखौ सोंखारिदों

गोदान दिल्ली, 26 आगस्ट : भारत, ब्राजिल आरो खोला आफ्रिका (आइबिएएसए)नि गोजौ थाखोनि रैखाथि बिबानगिरिफोरा पाकिस्तानखौ थांखिनानै बुंदों, उतखारि आरो सिमा बानायनिफ्राय सामलाय जानाय उतखारिनि थांलाय-फै लाय खालामनायआ मुलुगयारि गोजोन आरो रैखाथिनि थाखाय मोनसे गिदिर खैफोद गोनां जादों। बे आयदाखौ माहारियारि रैखाथि बोसोनगिरि अजित डभलनि सामलायनायआव जानाय आइपिएएसएनि माहारियारि



रैखाथि बोसोनगिरिनि डिजिटल जथुमाआव दैखानाय जादों। गुबुन गुबुन ओन्सोलाव हेफाजाब होनायखौ बांहोनो

थाखाय आइबिएएसएआ मोनथाम हान्जानि महरै जाखांबोदों। हान्जानि सोद्रोमा हादतफोरनि माहारियारि रैखाथि

बोसोनगिरिफोरनि बेयो गिबि जथुमा खुनायमोन। बे जथुमाखौ जानो गोनां आइपिएएसए सिखर सम्मेलनखौ थियारिफोर खालामनायखौ नोजोर होनानै खुनाय जादों। आथिखालाव भारतआ बे हान्जानि आफादगिरि। दरथामबो हादतफोरा संगालि खौरांखौ फोरमायलायनो, सोमोन्दो थानाय माहारियारि एजेन्सिफोरनि गेजेरव होलाय लालाय खालामनाय आरो गोहोखौ दाफुनाय बिथिडव हेफाजाब होनायखौ बांहोनो समायखिरा लानायखौ

फोरमायदों। जथुमाआव लैथोमा रैखाथिनि आयदाखौबो दैखोंदों। अजित डभलआ बिक्स हादतफोरनि गागि रैखाथि बिबागिरिफोरजों लोगोसे डिजिटल बिजोंजों जथुमा खुदोंमोन। बे जथुमायाव रासियानि माहारियारि रैखाथि बोसोनगिरि जेनेरेल पेनुशेब, चीननि पुलिट ब्युरनि सोद्रोमा यांग जेइची, ब्राजिलनि रैखाथि बोसोनगिरि जेनेरेल आगस्ट हेलेना रिबेरैरे आरो खोला आफ्रिकानि लेइडा राइज्यो रैखाथि सान्थि नसेडिस गुडएमफ कउवआ बाहागो लादों।

आमेरिकायाव गथ'फोरनि देहायाव करना भाइरासनि गोहोम, थांनय बोसोरनि गोजां बोथोरनिफ्रायनो करना सन्देर जानायनि हारआ रेकर्ड महरै बांदों

वाशिंग्टन, 26 आगस्ट: आमेरिकायाव करना सन्देरजानायनि हारा थादनाय गैयाजासे बारायनो हमदों। बेसो जानाय सुबु'फोरजों लोगोसे हादतनि उन्दै गथ'फोरनावबो करना सन्देरनायनि गिनांगोआ बारायसिननो हमदों। रिपर्टनि बायदिब्ला 2020 नि रुजुनायाव 2021 आव गथ'फोरनि देहायाव बांसिनै करना सन्देरजानायनि केस मोन्नाय जादों। आमेरिकान एकाडेमि अफ फिडियाट्रिक्स एन्ड डा चिल्डेन हस्फिटल एसशियेसननि बायदिब्ला 2020 नि गोजां बोथोरनिफ्रायनो गथ'फोरनाव करना सन्देरनायनि हाराव रेकर्ड लाखिबोदों। रिपर्टनि बायदिब्ला थांनय बोसोरनिफ्राय सोलिफु बोसोरनि 19 आगस्टसिमाव 4.59 जौखोन्दो गथ'फोरा करना सन्देरजाबाय। रिपर्टआव फोरमायनाय बायदिब्ला थांनय सप्ताहयाव सा 1,80,000



सुबु'निबो बांसिन करना सन्देरजानायनि रेकर्ड थिसन्दों, जाय थांनय बोसोरनि गोजां बोथोरनि करना सन्देरजानाय केसजों समान जाफेदों। गोलोम बोथोराव करना सन्देरजानायनि हाराव फोरमायनाय फेनायनि उनाव नाथाय आमेरिका हादतआव

फिन करना सन्देरजानायनि हारा थादनाय गैयाजासे बारायबोनो हमदों। थांनय दानाव 4 गुन करना सन्देरजानायनि हाराव बारायना गासै सा 38,000 सो गथ'फोरा करना नि आवथायाव फेबाय। रिपर्टनि बायदिब्ला आथिखालाव गथ'फोरनाव

करना भाइरासनि जाउनाव सरासनस्त्रा बेराम जानायखौ नुनो मोन्दों। मानिनाय लानाय जादोंदि, आमेरिकायाव 12 बोसोरनिफ्राय उन्दैसिन गथ'फोरनाव बाहायनो थाखाय फाइजरनि करना भेक्सिनआ फेगो अक्टबर दानसिमाव गनायथि मोन्नो हागौ।

6 बोसोर आमेरिकाजों जोबथेजानाय गिखंथाव उतखारिखौ तालिबाना रैखाथि मन्थि थिसनबाय

काबुल, 28 आगस्ट : आफगानिस्तानखौ गावसिन दखलाव लानायनि उनाव तालिबाना बेयाव गावसिन सरकार दानो हाबाफारि जागायदों। सरकार दानायनि सिगां आफगानिस्तानखौ सालायनो थाखाय तालिबाना गुबुन गुबुन बिफानफोरव गाहाय मावसुमा थिसनगामिनो। बेनि गेजेरजोंनो तालिबाना मुलुगानि बयनिखुइबो गिखंथावसिन जोबथेसालियाव जोबजानाय कैदी आरो गोजोन सावरायनायखौ अजद होग्रा उतखारिनि हादतनि रैखाथि बिफाननि बिबानखौ गथायो तालिबाना। गासै 20 बोसोर उनाव आफगानिस्तानाव गिदिंभोफिन्नाय खान्ता मे जेलआव आगुआव जोबथेना दोनजानाय मुल्ला आबुदुल कय्युम जाकिरखौ तालिबान आफगानिस्ताननि दसे समनि रैखाथि मन्थि महरै थिसनबाय



होन्ना सुलुआ मिबथिहोदों। खौरनि बादिब्ला वर्ल्ड ट्रेड सेन्टारआव उतखारि गाग्लोबनायनि उनाव बिखौ 2001 आव आमेरिकानि सान्थिफोरा हमदोंमोन आरो 2007 सिम ग्वान्तानाम बखौ जेलआव जोबनानै दोनदोंमोन। उनाव बिखौ जेलनिफ्राय उदां खालामना आफगानिस्तान सरकारनो गथायनाय जादोंमोन। मुल्ला आबुदुलआ तालिबाननि

अन्थाय बिखा गोसोनि गिखंथाव उतखारिफोरनि सासे। मख'जाथावदि, तालिबानआ आफगानिस्तानाव गनायथि जानाय अरयथा सरकार दयाखे, नाथाय हादतखौ खुनो थाखाय उतखारि हान्जा तालिबाना गावसिन माखासे दैदेनगिरिफोरखौ गाहाय मासिफोराव थिसन्दों। बे हाबाफारियाव हाजी महम्मद इदरीसखौ हादतनि मिरुआरि

बेकं दा आफगानिस्ताननि (डिएफबि) नि हाबाफारि मावग्रा गाहाय बिबानगिरि महरै थिसन्दों। बे खौरांखौ सोरांआव लाबोनानै तालिबाननि बुंथिगिरि जबीहुल्ला मुजाहिदआ बुडोदि, सरकारि फसंथानफोर आरो बेकनि आयदाफोरखौ सुबिधा गोनां खालामनो आरो सुबु'फोरनि जेनाफोरखौ जानगार खालामनायनि थांखियै इदरीसखौ बिबानाव थिसनाय जादों।

आइ पि एल फेज-11 नि थाखाय आर आरआ तबरेज शाम्सीजों रादाय खाबाय, आर सि बिआ केएन रिचार्डसननि जायगायाव जर्ज गार्टनखौ टीमाव सोसनबाय

मुम्बाइ, 26 आगस्ट: आइ पि एलनि 14 थि सिजननि आद्रा थानाय मेचफोरनि थाखाय राजस्थान रयेलसआ गेलेन फिलिप्सनि जायगायाव टी-20 वाई नम्बर-1 बलार तबरेज शाम्सीखौ टीमाव लाफाबाय। फारसेथि रयेल चेलेन्जार्स बेंगालुरुआ केएन रिचार्डसननि जायगायाव जर्ज गार्टनखौ टीमनि बाहागो खालामनाय। आइ पि एलनि 14 थि सिजनखौ करना भाइरासनि जाउनाव गेजेर सिजनावनो बन्द खालामनायनि आद्रा थानाय खेव 31 मेचफोरखौ फेगौ 19 सेप्टेम्बरनिफ्राय 15 अक्टोबरनि गेजेराव जेइएआव खुंफुंगोन। गुबुन फारसेथि आइ पि एल फेज-11 निफ्राय माखासे गुबुन हादतनि गेलेगिरिफोरा




हारिमायारि मेचफोराव मुखुब थानायनि थाखाय गावसोरनि मुंफोरखौ बोखारना लाफिननायाव बिसोरनि जायगायाव टीमफोरा गुबुन गुबुन गेलेगिरिफोरखौ टीमाव सोफाबाय। राजस्थान रयेलसआ निउजिलेन्डनि बलार गेलेन फिलिप्सनि जायगायाव तबरेज शाम्सीजों टीमाव रादाय

खाबाय। खोला आफ्रिकानि गोखौ बलार शाम्सीआ थानाय माखासे समनिफ्रायनो मोजाडै गेलेना दिन्थिफुंभोदों। टी-20 क्रिकेटआव जुनियारै दिन्थिफुंभो हानायजों गावनि मुं लाखिनो बिथाडा गावनि रौगथिनि दिन्थिफुंभोनायजों आइ पि एल 2021 आव फिन खेवसे गेलेनायनि खाबु मोनबाय। 5

बोसोरनि उनावसो फिन आइ पि एलआव गेलेफिननायनि खाबु मोनबाय शाम्सीआ बनि सिगां 2016 आव रयेल चेलेन्जार्स बेंगालुरुनि जाना गेलेनायनि सुबिदा मोनबाय। बेंगालुरुनि जाना गेलेनाय 4 खेव मेचव बिथाडा सा 3 गेलेगिरिफोरनि उइकेट लादों मोन। बनि उननिफ्रायनो उननि 4 सिजननि थाखाय रावबो टिमनो बिथाजों रादाय खायाखै मोन। रयेल चेलेन्जार्स बेंगालुरुआ नैथि सिजननि थाखाय अस्ट्रेलियानि गोखौ बलार केन रिचार्डसननि जायगायाव इलेन्डनि अलराउन्डार जर्ज गार्टनखौ टीमाव लाफाबाय। गार्टना गिबि खेव आइ पि एल गेलेगोन। बिथाडा दासिमाव गेलेनाय 38 खेव टि-20 मेचवाव टी-20 बेटिरेटा 20.77 आरो स्ट्राइक रेटा 124.66।

टुर्नामेन्टआव बाहागो लानो मोनैनि थाखाय नीरज चप्राया दुखु मोन्दों

गोदान दिल्ली, 26 आगस्ट: भारतनि जानानै बावैसो सान सिगां थुं गेलांनय टकिय अलिम्पिक- 2020 आव सनानि मेडेल देरहानाय नीरज चप्राआ माबेबा मोनसे गेदेथार टुर्नामेन्ट गेलेनो मोनैनि थाखाय दुखु मोनानै दड। बेनि सिनि गाहाय जाहोना जाबाय बियो जेब्लानिफ्राय टकिय अलिम्पिकयाव सनानि मेडेल देरहानानै फेदों मोन, बे समनिफ्रायनो बियो माबेबा मोनसे टुर्नामेन्टजों लोगोसेनो गावनि थाखायबो सम दिह्नुनो हायाखै। मानोना बियो लाश्चियै हाबाफारिफोराव बाहागो लानांगोन, जेराव बिखौ मान बाउनाय हाबाफारि खुंनय जादों। टकिय अलिम्पिकयाव मेडेल देरहानायनि उनाव जेब्लानिफ्राय बियो हादतयाव फेदों, बे



समनिफ्रायनो बियो माखासे हाबाफारिफोराव लिंहरजादों। बेनि थाखाय बियो गुबुन हादतयाव खुंफुंजानो गोनां गेदेर टुर्नामेन्ट डाइमन्ड लीगयाव बाहागो लानो मोनाखै। बियो बेनि सायाव इसारा होनानै बुंथिदोंदि, गाव गेसेल' सनानि मेडेल देरहानायजों गोसो

बयानिबो मोजां मोननाया थारैनो सैथो, नाथाय सोलिफु दाननि जोबथारनायाव डाइमन्ड लीग टुर्नामेन्ट दंमोन। आं बे बादायलायनायाव बाहागो लानो सान्दोंमोन, नाथाय माखासे हाबाफारिफोराव लिंहरनायनि थाखाय आनि हुदा खालामनाया थाथदों। आं सान्दोंदि आनि फिटनेसआ जेना सोमजिदों आरो आं मोजां दिन्थिनायनिफ्राय जानगाराव दं। आं मोजाडै गेलेनो हायाखै बेनि थाखायनो आं डाइमन्ड लीगयाव थादनादों। आं सोलिफु बोसोराव खेबनै-खेवथाम टुर्नामेन्टयाव बाहागो लानो सान्दोंमोन, बेबायदि जानाडादि मेडेल देरहाबाय, बेबाय गासैबो हाबाफारि खुंफुं जायो।

सेरेना उइलियाम्सआ इउ एस अपेन गेलेनाय नडा



निउयर्क, 26 आगस्ट: आमेरिकानि स्टा आइजो टेनिस गेलेगिरि सेरेना उइलियाम्सआ आर्थियाव जोखोम जानायनि थाखाय इउ एस अपेननिफ्राय गावनि मुंखौ बोखारना लाबाय। इउ एस अपेन बादायलायनायाव फेगौ सप्ताहनिफ्राय गेलेफुंजागोन। बोसोरनि जोबथा ग्रेन्डस्लेमनिफ्राय बायजोयाव थानानानै उइलियाम्सआ बुंथिनानै होदोंदि गावनि जोखोम जानाया दासिमबो गाहाम जायाखै। थानाय जुन दानाव उइम्बलडननि गिबि

राउन्डनि बादायलायनायनि गिबि सेटनि समाव आगसि आर्थियाव जोखोम जानायनि थाखाय सेरेनाया जायखि जाया टुर्नामेन्टयाव बाहागो लायाखै। 39 बोसोर बैसोनि सेरेनाया बावैसो सान सिगां थुं गेलांनय टकिय' अलिम्पिक 2020 आवबो बाहागो लानो हायाखै मोन। बेनि अनगायै सिनसिनाति अपेननिफ्रायबो बायजोयाव दडमोन। स्टा आइजो टेनिस गेलेगिरि सेरेनाया इनस्टाग्रामयाव लिना होदोंदि-गावनि मेडिकेल हान्जा आरो

फाहामगिरिफोरनि थांखि लानायाव सोनारदों, जायजों आं आबुडै जोखोम जानायनिफ्राय गाहाम जायो। निउयर्क आ मुलुगनि बयनिखुइबो मोजां सोहोरफोरनि गेजेराव दड आरो गेलेनायनि थाखाय आनि मोजां मोनजानाय जायगाफोरनि गेजेराव मोनसे। आं आनि अन्सायगिरिफोरखौ गोसोखादों। गुबुन फारसे आमेरिका टेनिस आफाद (इउएसटिए)आ इउ एस अपेननि समाव गेलेगिरिफोरनि गोसोयारि देहा नायसंगिरिफोरनि सिबिथाय लायो। इउएसटिएआ बुंथिना होदोंदि, गावसोर थि खालामनो लादोंदि, गोसोयारि देहाजों लोगोसे गेलेगिरिफोरनि देहाजों सोमोन्दो थानाय जायखि-जाया थासारिफोरखौ नायसंनय जागोन। इउएसटिएनि लेडाइ आफादगिरि डा० ब्रायन हेनलाइनआ बुंथिदों जॉनि थांखिया गेलेगिरिफोरनि थाखाय गोसोयारिजों लोगोसे गाहाम देहानि थासारिखौ नायसंगोन।

राजस्थान रयेलसआ तबरेज शाम्सीखौ थिसनबाय



गोदान दिल्ली, 26 आगस्ट: इन्डियान प्रिमियर लीग सुंदरै आइ पि एल फ्रेंचाइजी राजस्थान रयेलसआ बुधवारखालि खोला आफ्रिकानि गेलेगिरि तबरेज शाम्सीजों रादाय खानायखौ फोसावना होबाय। शाम्सीआ आथिखालाव मुलुगनि सेथि टी-20 हारिमायारि बलिं खालामनाय जानानै दं। तबरेज शाम्सीआ फेगौ 19 सेप्टेम्बरनिफ्राय इउ ए इआव

खुंफुंजानो गोनां आइ पि एल 2021 नि आद्रा थानाय मेचफोरनि थाखाय राजस्थान रयेलसनि जानानै गेलेगोन। 31 बोसोर बैसोनि शाम्सीआ खोला आफ्रिकानि नख 'रि क्रिकेटयाव टाइटन्सनि जानानै गेलेयो आरो 2017 आव इलेन्डनि हेंथायै मोनै हान्जानि टी-20 हारिमारि सिरिजनि समाव बियो खोला आफ्रिकानि जानानै बियो हारिमायारि

क्रिकेटयाव गेलेजेन्दोंमोन। फारसेथि बेनि सिगां बियो इन्डियान प्रिमियर लीगयाव गेलेखांबाय। आइ पि एलआव शाम्सीआ खेव बै मेच गेलेखांबाय, जेराव बियो रयेलस चेलेजार्स बेंगालरनि जानानै सा 3 उइकेट लादों। जेराव बियो 2016 नि सिजनआव बाहागो लादोंमोन। 2016 नि सिजनयावबो तबरेज शाम्सीखौ सासे रौगौथि गोनां गेलेगिरि महरै थिसननाय जादोंमोन। आगसि आखायनि लेग स्पिनारआ खेव 39 थि टी-20 हारिमारि मेचफोराव 45 उइकेट लाखांबाय। बेयावनो गावनि हादतनि जानानै खेव 27 सानसेयारि मेचफोराव 32 उइकेट लाखांबाय। आथिखाल समाव बियो मोजांथार फर्मयाव दड आरो बेनि थाखायनो एन्ड्रयु टायखौ सोलायनायाव राजस्थान रयेलसआ तबरेस शाम्सीखौ थिसदों।

साथियानआ आइटिएफ चेक हारिमायारि अपेन बिमुं देरहादों



गोदान दिल्ली, 26 आगस्ट: भारतयारी टेबोल टेनिस गेलेगिरि साथियान गियानसेकरनआ आइटिएफ चेक हारिमायारि अपेननि बिमुं देरहाबाय। गियानसेकरनआ फाइनाल बादायलायनायाव इउकेननि येभेन प्रिशियेपाखौ 11-9, 11-6, 11-6 आरो 14-12 जों फेजेनानै बिमुंखौ देरहायो। 28 बोसोर बैसोनि साथियानखौ आथिखालाव गोखोंथारै गेलेनायखौ नुनो मोन्दों। मख'नो गोनांदि, गियानसेकरनआ चेक अपेन बादायलायनायाव खेबसेबो जेनाखै, बेजों लोगोसेनो बियो गावनि बाथि खेव देरहानायखौ सोरजियो। बियो थानाय बावैसो सानफोरनि गेजेराव टेबोल टेनिस स्टा मनिाक बत्राजों गोरोबलायना बुडापेस्टआव गेलेफैजानाय डब्लिउटिटि कन्टेन्डरनि बिमुंखौबो देरहादोंमोन। बावैसो सान सिगां थुं गेलांनय अलिम्पिक गेलेमुयाव गात्रि थार गेलेना दिन्थिनायनि उनाव गियानसेकरनखौ गोखोंथार गेलेनाय नुनो मोन्दों। बियो सेमि फाइनाल बादायलायनायाव सुइडेननि गेलेगिरि टूल्स मरगाडआ जोखोम जादोंमोन। बेनि थाखाय गियानसेकरनआ थोंजोडै फाइनालयाव सौहदों।

इउएस अपेनाव नायगिरिफोरा माक्स गानथारनांगौ एबा भेक्सिन थुजानायनि सार्टिफिकेट होनांगौया गोनांथार नडा

निउयर्क, 26 आगस्ट : नायगिरिफोरनि थाखाय फेगो सप्ताहनिफ्राय जागायनो गोनां इउएस अपेन टेनिस टुर्नामेन्टनि समाव माक्स गाननांगौ एबा भेक्सिन थुजानायनि सार्टिफिकेट होनांगौवा गोनाथार नडा। करना भाइरासनि थाखाय बोसोरसे सिगां इउएस अपेनखौ नायगिरिफोर गैयाजासे खालामदोंमोन। नाथाय बे खेबनि टुर्नामेन्टआव स्टेडियामाव नायगिरिफोरजों बुंफबगोनखौ आसा खालामदों। आमेरिका टेनिस एस'सियेसन एन्ड मेम्बार् अफ दा मेडिकेल एडभायसरि गुपनि लेडाइ आफादगिरि डा. बायन हेनलाइन बुदों, जॉनि थांखिया करना भाइरासनि गासै केसफोरखौ होबथानाय



नडा। दासिमाव करना भाइरासनि गोसारनाय केस गैया, जायनि जाउनाव जॉनिसिम जिं गानिनांगौनि मोनबो जाहोन फैया। सिगां फारसे बिथाडा बुंदों दासिमावबो बे सरासन्हा सुबुंफोरनि मोजांखौ हास्थायो।

जायफोरा दासिमनो भेक्सिन थुजायासै बिसोरो माक्स गाननांगौनि गोनांथि दं नाथाय जों बिसोरखौ गान्ठो थाखाय नासिन्नाय नडा। जायफोरा भेक्सिन थुजावाय बिसोरहा माक्स गाननांगौनि गोनांथि गैया। बोसोरनि जोबथा

ग्रेन्डस्लेमा फेगौ समबारनिफ्राइ निउयर्कआव जागायगोन। आमेरिकायाव गोदान करना सन्देरजानायनि केसा। 50,000 किम सौहैबाय, जाय थानाय जानुवारि दाननिफ्रायनो गोबां हार बुरजा।

लीग कापयाव आर्सेनेलआ देरहाबाय

लन्दन, 26 आगस्ट: हान्जानि जानानै मुंदांखा महरै मिथिसार जानाय पियरे एमरिक आबमेयानि हेट्रिक गल खालामनायनि हेफाजाबजों आर्सेनेलआ देरहानो हादों। मैया खुंफुंजानाय इलेन्डनि लीग काप फुटबल टुर्नामेन्टनि नैथि राउन्डयाव वेस्ट ब्रमखौ 6-0 गलजों फेजेनो। मख'नो गोनांदि, आर्सेनेलआ प्रिमियर लीगयाव आथिखालसिमाव मोजांथारै गेलेनानै दिन्थिनो हायाखै। बिसोरो गावसोरनि हादतयावनो जेन्नो गोनां जादों। जेराव बिसोरनि हान्जाया आथिखालसिमाव गलसेबो गल सोनो हायाखैमोन। नाथाय वेस्ट ब्रमनि हेंथायै लीग कापआव बिसोरनि हान्जाखौ गल



सोनो हानायजों लोगोसे देरहानायखौ नुनो मोन्दों। आबमेयानो गोदान सिजननि जागायजेन्नायाव करना भाइरासजों सन्देरजादोंमोन। जायनि थाखाय बिसोरो प्रिमियर लीगनि जागायजेन्नाय मेचयाव

गेलेनो हायाखैमोन। वेस्ट ब्रमनि जेन्नायाव आर्सेनेल हान्जाया प्रिमियर लीगयावबो फेफिन्यायनि मिजिंथिजादों। बेनि अनगायै आर्सेनेलनि जानानै निकलस पेपे, बुकाय साका आरो अ। ल. क. स। न. द.

लाकाजेटमोनहाबो गलसेयै गल सोदों। लीग कापयाव बे देरहानाया गेदेरथार देरहानाय जायाखै मानोना साउथम्पटनआ मोनसे बादायलायनायाव निउपट काउन्टिखौ 8-0 गलजों फेजेन्दोंमोन।